

ახალი გველი

ყოველ კვირეული სამეცნიერო საპოლიტ. და სალიტერ. ჟურნალი.

№ 1 ორგანო ასალგამრდა მარქსისტთა ორგანიზაციებისა. № 1

შინაარსი: 1. ნ. ჟორდანიას და ს. ჯიბლაძეს [ლექსი] - ვ. რუხაძე, 2. ჩვენი დროშა - რედაქციისაგან, 3. ორი მებრძოლი; 4. პოლიტიკურ დღიურიდან - მ. ხუნდაძე, 5. ძველი და ახალი [„ორი მარქსიზმი“] - ბ. რამიშვილი, 6. შეფიცვა (ლექსი) - გენო, 7. ეროვნული პრობლემა და მარქსიზმი (წერილი პირველი) - მ. ხუნდაძე, 8. საღმრთო კითხვები - არ - მ.; 9. კომპერაცია და ფედერალიზმები (წერილი პირველი) - ს. მიხეილიძე, 10. მილოცვა (ლექსი) - ჯიბლა, 11. განცხ. და სხვა.

ვ. რუხაძე




ნოე ჟორდანია.

(ორ იანვარს შეუსრულდა 50 წელი).

ნოე ჟორდანიას და სილიბისტრო ჯიბლაძეს.

მე მინახავს იალობუზი, თმა-ქაღარა, ცაით ასული. დილით ადრე პირველ კოცნას რომ უგზავნის მზის ასული, და მყისვე წინ დამდგომია მადლ მოსილი თქვენი სახე, განსაკუდელი რომ ვერ აკრთობს, ვერც ხელსა რეც სივალახე. მე მინახავს ლაქვარდი ცა, ვარსკლავებით მოქარგული, ისე წმინდა, მოკისკასე, ვით უმანკო ბავშვის გული,



სილიბისტრო ჯიბლაძე.

(ორ იანვარს შეუსრულდა 60 წელი).

და მყისვე წინ დამდგომია ვე სპეტაკი თქვენი სული, მწიკელი რომ ვერ ეყარება, ვერც იმონებს მტრობა შური. მე მინახავს მღელვარე ზღვა, ფაფარ-აყრილ ბობოქარი, ზვირთი ზვირთს რომ აწყდებოდა, ირყეოდა მთა ჭ ბარი, და მყისვე წინ დამდგომია საარაკო საქვე თქვენი, სიცივის დროს-ცეცხლის მკვესი, სიზნელის დროს-შუქის მგენი. ვ. რუხაძე.





ჩვენი დროა.

თანამედროვე საზოგადოება კლასიური საზოგადოებაა. ეკონომიურ ნიადაგზე იგი დანაწილებულია სხვადასხვა კლასებით, სხვადასხვა ჯგუფებით, რომელთა შორის ცხარე ბრძოლაა გაჩაღებული. კაპიტალიზმის განვითარებასთან ერთად ამ კლასთა შორის ანტაგონიზმი*) უფრო და უფრო ღრმავდება, მათი დამოკიდებულება თანდათან მწყვეტდება. ზღაპრული ვადის კაპიტალისტური საზოგადოება ორ რიგ კლასად იყოფა: ერთის მხრით ყალიბდება ბურჟუაზია, საწარმოო იარაღთა მესაკუთრე მეორეს მხრით — პროლეტარიატი, „თავისუფალი“ ამ იარაღებისაგან. საშუალო ნაწილები თანდათან იხრწნებიან, თავის რეალურ მნიშვნელობას ჰკარგავენ; ერთი ნაწილი მუშათა კლასში გადადის, მეორე ნაწილი კი ბურჟუაზიის რაზმს უერთდება. დღევანდელ საზოგადოებაში არსებული უსამართლობაც ამ ორ ბანაკთა ურთიერთობაში ჰპოვებს თავის უმთავრეს გამოხატულებას.

ეს უსამართლობა, სრული სიღუპიერე თანამედროვე ცხოვრებისა დღეს ყველასათვის ადვილი დასანახავია. არსებული მდგომარეობით უკმაყოფილონი ჰგრძნობენ, რომ ასე ცხოვრება არ შეიძლება, რომ ადამიანს მუდამ მონობაში დარჩენა არ ძალუძს. უნდა დანგრეს თანამედროვე კაპიტალისტური წყობილება, იგი სამუდამოთ უნდა მოისპოს და მის ნანგრევებზე აღმოცენდეს თანასწორობისა და სამართლიანობის სამეფო — სოციალიზმი.

მაგრამ როგორ უნდა მოხდეს ეს, რა გზით, რა საშუალებით? სად არის ის ძალა, რომელიც დასამარცხებს მონობის სამეფოს, რომელიც ბოლოს მოუღებს ტანჯვას, წვალებას?

ძველ საზოგადოებაშიაც არსებობდნენ კლასები, ჯგუფები. ეკონომიურ უთანასწორობაზე აღმოცენებული ჩაგვრა, ერთის მიერ მეორის გაყვლეფა და ამ ნიადაგზე ატეხილი ბრძოლა მაშინაც სწარმოებდა. ყველა დღევანდლამდე არსებულ საზოგადოებათა ისტორია არის კლასთა ბრძოლის ისტორიაო, ამბობენ მარქსი და ენგელსი. სოციალიზმი,

საწარმოო საშუალებათა განსაზოგადოებრივობის იდეა არ არის მხოლოდ მე-XIX საუკუნის შემოქმედების ნაყოფი.

მას შორეულ წარსულში აქვს დასაწყისი. მაგრამ ისტორიის ძველ, იდეალისტურ ფილოსოფიამ — როგორც ფრ. ენგელსი ამბობს, — არ იცოდა ეკონომიურ უთანასწორობაზე აღმოცენებული კლასთა ბრძოლა, ვინაიდან იგი არ იცნობდა საერთოდ ეკონომიურ უთანასწორობას. ძველი სოციალისტები კმაყოფილებოდნენ არსებული წყობილების გაკრიტიკებით, მისი უარყოფით და უკეთესი საზოგადოებრივი ფორმაციის**) დასახვით. მე-XIX საუკუნის დასაწყისის უტოპისტი სოციალისტები ფიქრობდნენ კეთილ სურვილებით, მოწოდებებით და შთაგონებით განხორციელებიათ სოციალიზმი. ისინი ცდილობდნენ მშრომელი მასის, ჩაგრული კლასის განთავისუფლებას ამ კლასის დაუხმარებლათ. მათი გეგმით მშრომელი მასსა არ იღებდა მონაწილეობას სოციალიზმისათვის ბრძოლაში. არსებითათ ასეთივე იყო ბლანკისტების მოქმედება. ისინიც მუშათა კლასის, ფართო მასის მონაწილეობის გარეშე სცდილობდნენ სოციალიზმის განხორციელებას. განსხვავება მხოლოდ იმაში მდგომარეობდა, რომ ბლანკისტები აჯანყებით, შეიარაღებული გამოსვლებით ფიქრობდნენ კაპიტალისტური წყობილების დამხობას და თავის მიზნის მიღწევას. უტოპისტები კი მშვიდობიანის გზით, მეფეებისა და კაპიტალისტებისადმი მოწოდებებით ცდილობდნენ დასახულ მიზნის განხორციელებას.

ცხადია, ვერც ერთი, ვერც მეორე მოძღვრება მიზანს ვერ მიღწევდა, ვინაიდან, როგორც ვთქვით, არ კმარა უსამართლობის მარტო დანახვა, მისი აღიარება ან უარყოფა. საქირაო ამ უსამართლობის აღსნა, გავება, საქირაო მისი წარმოშობი მიზეზების გამონახვა. სოციალიზმის განსახორციელებლათ მარტო სურვილი არ კმარა, კაპიტალიზმის უარყოფა ჯერ კიდევ არ ნიშნავს მის დამარცხებას, მის განადგურებას. საქირაო მისი რაობის გავება, ახსნა, საქირაო კაპიტალისტური წარმოების ისტორიული მნიშვნელობის დაფასება, ისტორიულ განვითარების განსაზღვრულ საფეხურზე მისი აუცილებლობის დამტკიცება და მისი საშიში არსებულ წინააღმდეგობათა გამოაშკარავება.

*) ანტაგონიზმი ნიშნავს განხეთქილებას, შეუთანხმებლობას, ურთიერთ წინააღმდეგ ბრძოლას.

**) ფორმაცია — წყობილება.

ასეთი ახსნა კაპიტალისტურ წყობილებისა და მისი წარმომშობი მიზეზების ანალიზი მოგვცა ჩვენ კარლ მარქსმა მე-XIX საუკუნის ნახევარში. კაცობრიობის ისტორიის შესწავლამ, ერთი საზოგადოებრივ ფორმაციის მეორე საზოგადოებრივ წყობილებით შეცვლის მიზეზთა დაკვირვებით განხილვამ მარქსი მიიყვანა იმ დასკვნამდე, რომ ისტორიას ამოძრავებს ობიექტური პირობებიდან გამომდინარე რკინის კანონები, რომელთა შეცვლა ან გაუქმება არ არის დამოკიდებული ადამიანთა სურვილებზე. ეკონომიური ურთიერთობა, ეკონომიური ინტერესები—აი საფუძველი ყოველგვარ საზოგადოებრივ მოკლენისა, აი რა ამოძრავებს ისტორიის ჩარხს. ეკონომიური პირობები რწვევდა ერთი საზოგადოებრივ წყობილების მეორე საზოგადოებრივ წყობილებით შეცვლას. ძველი საზოგადოება თვით ატარებს ახალი საზოგადოების ჩანასახს. კაპიტალისტურ საზოგადოების განვითარებაშიც იქმნება ისეთი პირობები, რომლებიც გამოიწვევენ მის დაშლას და სოციალიზმის დამყარებას. ეს ისევე აუცილებელია, როგორც აუცილებელი იყო ფეოდალიზმის დაშობა და მის ნანგრევებზე კაპიტალიზმის აღორძინება. ამ აუცილებლობას ასაბუთებს მარქსის და ენგელსის მოძღვრება. ამინდრიდან სოციალიზმი, როგორც იდეოლოგია, როგორც კლასთა შორის ასრებულ ანტაგონიზმის გამოხატულება, მეცნიერებათ იქცა. მუშათა კლასის საბოლოო მიზანი მეცნიერულათ არის დასაბუთებული ისტორიის განვითარების მატერიალისტურათ ახსნით.

სოციალიზმის განხორციელების აუცილებლობის შეგნება, გაგება და გათვალისწინება იმ გზის, რომლითაც ვითარდება თანამედროვე ცხოვრება, კაპიტალისტურ წყობილების წინააღმდეგობათა გამოაშკარავება—აი რა შეადგენს ჩვენი დროის მთავარ დანიშნულებას.

მუშათა კლასის განთავისუფლება თვით მუშათა საქმეა. ამ შეგნების მასსაში გადატანა, მეცნიერული სოციალიზმის იდეების შეთვისება—გაგრძელება, პროლეტარიატის დროშის ქვეშ ახალგაზრდობის დარაზმება—აი ჩვენი დროშა, აი ჩვენი გზა. ჩვენ ვიცით, რომ ცოდნა—ძალაა, იგი, როგორც მარქსი ამბობს, თვით იქცევა ფიზიკურ ძალათ, როცა მასსისათვის ხელმისაწვდომი ხდება. ამიტომ ჩვენი ჟურნალი შეეცდება ხელი შეუწყოს ახალგაზრდო-

ბის თეორიულათ მომზადებას, რომ შესაფერი ცოდნით აღჭურვილი მებრძოლნი მისცეს მომავალ ცხოვრებას.

მეორეს მხრით, ჩვენ ვერ დავკმაყოფილდებით დღეს მხოლოდ მეცნიერული მუშაობით. ახალგაზრდობა მთელის თავის ძალღონით, სიხალისითა და გატაცებით უნდა გადაეშვას საზოგადოებრივ მოძრაობის ტალღებში, მონაწილეობა მიიღოს დღევანდელ ბრძოლაში, თავის მედგარი ხმა მიაწვდინოს უშუროს ამხანაგებს. ამიტომ ჩვენი ჟურნალი დიდ ყურადღებას მიაქცევს აგრეთვე დიდ რევოლუციის მიერ წამოყენებულ მიმდინარე კითხვებს, რომელთა ახსნა-განმარტების დროს იხელმძღვანელებს პროლეტარული თვალსაზრისით.

ამ ნიადაგზე ჩვენ მოგვიხდება ბრძოლა სხვა ჯგუფებთან, სხვა მიმართულების ახალგაზრდათა ორგანიზაციებთან. ამ ბრძოლას ჩვენ ვაწარმოებთ ახალგაზრდურის სიმტკიცით, ახალგაზრდურის გულწრფელობით. „ახალი კვალი“ განაგრძობს ძველი „კვალი“-ს გზას, „ახალი კვალი“ არ უღალატებს ძველი „კვალი“-ს ტრადიციებს.***) ჩვენ სიამოვნებით და აღტაცებით ვიგონებთ იმ ბრძოლას, რომელიც „კვალი“-ს გარშემო შემოკრებულ ჯგუფმა გაუმართა ჩვენებურ ნაციონალისტებს.

ჩვენ ვიცით ამ ბრძოლის შედეგი, ჩვენ ვიცით, რომ ეს ბრძოლა დათავდა ნაციონალისტების სრული დამარცხებით, ჩვენი იდეების სიძლიერისა და ცხოველმყოფელობის გამოაშკარავებით.

ჩვენ გვწამს, რომ „ახალი კვალი“-ს დროშის ქვეშ დაირაზმება ბრძოლის ყინით გატაცებული ახალგაზრდობა, ვისაც ბრძოლის ცეცხლი უღვივის გულში, ვისაც მიზნათ დაუსახავს პროლეტარიატისა და მასთან ერთად კაცობრიობის განთავისუფლება.

ეს რწმენა, ეს იმედი გვაძნელებს ჩვენ საბრძოლველათ და ფრთებს ასხამს ჩვენს აღტაცებას.

მაშ, წინ, მედგრათ, ამხანაგებო! შემოკრებით „ახალი კვალი“-ს დროშის ქვეშ და ახალგაზრდურის გატაცებით, სიხალისით, ენერგიითა და სიმტკიცით პროლეტარიატთან ერთათ ვეკეთოთ თანამედროვე ცხოვრების უკუღმართობას, უსამართლობას, პროლეტარიატთან ერთათ ვიბრძოლოთ კაპიტალისტურ წყობილების გასანადგურებლათ და მის ნანგრევებზე სოციალიზმის დასამყარებლათ!

*) ტრადიცია—ზნე-ჩვეულება.

ორი მებრძოლი.

იანვრის ორს ერთს შეუსრულდა სამოცი წელი, მერვეს კი ორმოცდაათი.

სილიბისტრო ჯიბლაძე და ნოე ჟორდანია!

ეს ორი სახელი განუყრელია ქართველ და საერთოდ ამიერ-კავკასიის დემოკრატიულ მოძრაობასთან, მათი კავშირი სისხლითა და ტანჯვით არის გამაგრებული, და ტანჯვა ხომ ყველაზედ უფრო მძლავრათ აკავშირებს!..

ბევრს ეუბნება ეს ორი სახელი ძველ რევოლიუციონერის გულს, ბევრს ეუბნება ჩვენს ახალგაზრდულ, ჯერ გადუშლელ ენერგიით სავსე სულისკვეთებასაც...

ჩვენ, მარქსისტები, არ ვაღმერთებთ პიროვნებას. ჩვენ ვიცით მისი ძალა ისტორიაში, ჩვენ ვიცით უმთავრესი გმირი მასაა და პიროვნება მასში ჰკრფეს თავის შემოქმედების ძალებს, მაგრამ... ჩვენ ამისთვის უფრო ვაფასებთ მას; პირად ღირსების გარდა ჩვენ გვიყვარს ძლიერს პიროვნებაში მასის ძალ-ღონის და შინაგან ენერჯის განსახიერება; მასა თავისივე ძალის თავმოყრას, ძლიერებას ჰხედავს მათში... არის ბუნების მეტყველებაში ჰიპოტეზა*) რომ ყოველი ჩანასახის განვითარება მინიატიურაში*) გამოჰმატავს კაცობრიობის ვრცელს ისტორიულს მსვლელობას... ჩვენ ვიტყვით, ძლიერი პიროვნებაც ერთგვარი მინიატიურაა მასიურ რევოლიუციონურ მსვლელობისა; იგი ხშირათ პირადულათ ანსახიერებს ამ მსვლელობას, ან მის რომელიმე დამახასიათებელ მხარეს... ამ მხრივ სილ. ჯიბლაძე და ნოე ჟორდანია კიდევ უფრო საყვარელია ჩვენი დემოკრატიისათვის.

სილიბისტრო მორალური სახეა ჩვენ მუშათა მოძრაობისა: ფაქიზი, ნაზი, წმიდა, მდსიყვარულე, და ამასთან დაუდგრომელი, უშიშარი მებრძოლი, მარადი მოძრაობა და ენერჯია—ვით თვით სული პროლეტარულ მოძრაობისა. ვინც მას კარგათ არ იცნობს, მისთვის შეიძლება შეუმჩნეველიც დარჩეს; მას არა აქვს გარ განი ბწყინვალება; ვინც კარგათ არ იცის ვინ არის ის, ვერ დააფასებს მის მნიშვნე-

*) ჰიპოტეზა ნაშნავს ჯერ მეცნიერების მიერ დამტკიცებულს საფეხბიო მოსაზრებას.

**) მინიატიურა—შემცირებული, პატარა მხატვრობა.

ნელობას: სილიბისტრო ჩუმი მებრძოლია; მაგრამ ყოველი ჩვენგანი გრძნობს მის მორალურ სიძლიერეს, ყოველი ჩვენგანი სცნობს მას მუშათა კლასის სინილისის განსახიერებათ;—ამ შემთხვევაში იგი თავის პირადობას სცილდება და სიმბოლოთ ჰხდება მუშათა მოძრაობისა...

ჩოჩხათში, ეგ. ნინოშვილის საფლავზე სილიბისტრომ პირველათ სთქვა საპროგრამო სიტყვა მესამე დასისა... მაშინ იქინი ცოტანი იყვნენ, მხოლოდ შორს, გულის სიღრმეში ჰღვიოდა ცეცხლი იმედისა...

მას შემდეგ უზომო ტანჯვა და წვალება... ბრძოლა, გამარჯვება, დამარცხება... ისევ ბრძოლა... ცივი ნესტიანი სატუსალო... შავი წერტილები... აი ეკლიანი გზა მათი ცხოვრებისა...

ხუთს მარტს, ოცდასამი წლის შემდეგ, მან სიამაყით გადაჰხედა პატარა ჯგუფს კი არა, არამედ ზღვა ხალხს გამარჯვებათ აღტაცებულს... ნიაგი უბერავდა და მის ქალარა, უკან გადაყრილ თმებს ჰაერში ნახათ აფრიალებდა... „совершилось“—გაისმა ქართულ აქცენტით, აკანკალებული ხმით ნათქვამი პირველი სიტყვა... „აღსრულდა“... ვინც არ იცნობდა სილიბისტროს—იგი ვერ იგრძნობდა იმ სიტყვის შინაგან სიძლიერეს; მისი სახით ნაწვარლები, ნატანჯი მუშათა კლასი დღესასწაულობდა პირველ გამარჯვებას!..

ასეთია სილიბისტრო ჯიბლაძე!..

ნოე ჯუჯუ-გონება არის ჩვენ მუშათა მოძრაობისა... საღი, მკრელი, ნათელი და ყოველგვარ მისტიურობას, ფეტიშიზმს მოკლებული. მისი სიტყვა სხარტულია, მარდათ მოკვეთილი და ჩამოქანდაკებული—ნოეს ლაპარაკი სიტყვათ ქცეული ქანდაკება; იგი ბრძენის სიტყვებია—აფორიზმებათ, სქემატიურათ წარმოთქმული. იგი უბრალოთ, მარტივათ ლაპარაკობს და ამ სიმარტივესაც თავისი სილამაზე შეაქვს მის სიტყვებში; ეს ფორმა შინაარსს თავის სიძლიერეს და სიმტკიცეს აძლევს. ჰგრძნობ: ნაცადი, ბრძოლაში გამოკვეთილი ნაფიქრ-ნაგრძნობი გადაგეშალათ წინ; ჰგრძნობ, რომ შეგიძლია უშიშრათ მიენდო ამ მახვილ გონებას; უშიშრათ გაუსწორო თვალი მის ნათელ, შოღინარე თვალებს...

ნოე მარდათ ერკვევა ყოველგვარ რთულ პოლიტიკურ მდგომარეობაში, იგი ნამდვილს ცხოვრების გეზს ძნელათ თუ ასცდება; თავისი პო-

ლიტიკური გაწრთვით ღირსეული ტოლია ევროპის სოც.-დემოკრატიის ლიდერებისა.

ნოე საუკეთესო თეორეტიკოსი და ორგანიზატორია. მისი სიტყვა, მტრის თავზარ დამცემი, დაუღალავათ თან სდევს რევოლიუციონურს მოძრაობას ჩვენში; მისი ზოქმედება დაკავშირებულია ამ მოძრაობის ყველა სასიცოცხლო ძარღვებთან. ნოემ თავის მძლავრ ფრთებ ქვეშ გამოხარდა ორი თაობა ჩვენი დემოკრატიის მოწინავე მებრძოლთა, რომელთა სახელნი დაამწებებენ არა მარტო ჩვენს რევოლიუციონურს ისტორიას, არამედ რუსეთის რევოლიუციას და საერთაშორისო მუშათა მოძრაობასაც. იმედია რგი სოც.-დემოკრატიის მესამე თაობასაც აღზრდის და არ აცდენს ნამდვილს მაქსისტულ გზას.

ასეთია ნოე ყორღანია!

ასეთი არის ორი მებრძოლი მუშათა მოძრაობისა და ამისთვის ასე უყვარს ისინი მუშათა კლასს და საერთოდ დემოკრატიას: მუშები თავის წმინდა ზრახვებს, მჩქეფარე ფსიხიკას და მახვილ გონებას ჰგრძნობენ მათში... რაღაც განგებამ ეს ორი სახელი, სიმბოლო ჩვენ მუშათა მოძრაობისა, ასე ლამაზათ ერთს და იმავე დღეს, იანერის ორს დაუკავშირა. ეს ფაქტი კიდევ უფრო აძლიერებს ამ ბრწყინვალე დღის მნიშვნელობას.

ჩვენი ახალგაზღვრული საღამო საყვარელ მასწავლებლებს!..

პოლიტიკურ დღიურიდან.

სად არის დემოკრატია?

ჩვენ პარტიას სოციალ-დემოკრატიას იმიტომ უწოდებდნენ, რომ მისი პოლიტიკური მოღვაწეობის მთავარი პრინციპი შემდეგ დებულებაში გამოიხატებოდა — კაცობრიობა მიიღწევს სოციალისტურ წესწყობილებას მხოლოდ დემოკრატიის საშველებით. სრული პოლიტიკური თავისუფლება, დემოკრატიული რესპუბლიკა საყოველთაო საარჩევნო უფლებებით — აი ჩვენი პარტიის უპირველესი მოთხოვნები. ამ გზას ადგა ყოველი სოციალისტური პარტია, როგორც რუსეთში, ისე ევროპაში. ბრძოლა დემოკრატიულ იდეის გამარჯვებისთვის შეადგენდა სოციალისტურ მოძრაობის უმთავრეს შინაარსს უკანასკნელ დროს. სოციალისტებს ერთი

მხრით ებრძოდნენ გაბატონებულ კლასთა წარმომადგენლნი, რომელნიც დემოკრატიაში თავის პოლიტიკურ ბატონობის გამანადგურებელ ძალას ხედავდნენ. მეორე მხრით, დემოკრატიის იდეას სასტიკ ომს უცხადებდნენ ანარქისტები. ამათ იდეალი არა — პიროვნების სრული დამოუკიდებლობა, მისი პირადი თავისუფლება. დემოკრატია კი — ხალხის უმრავლესობის ბატონობას მოასწავებს. უმცირესობა და მასთან ერთათ პიროვნება, რა თქმა უნდა, ემორჩილება განსაზღვრულ წესს. ანარქისტებს ეს არ მოსწონთ და გაიძახიან: „დემოკრატია იგივე თვითმპყრობელობაა, ძირს დემოკრატია, გაუმარჯოს ანარქიასო“. საერთაშორისო სოციალისტურ მოძრაობაში საღ სოციალ-დემოკრატიულმა მიმდინარეობამ გაიმარჯვა. პროლეტარიატის ბელადები, ჩვენი საუკეთესო მასწავლებლები და ამხანაგები, იბრძოდნენ დემოკრატიზმისათვის, ბევრმა მათგანმა შეაღია ამ ბრძოლის მთელი თავისი სიცოცხლე. ასეთ მოძრაობას ბრწყინვალე შედეგები მოყვა. დემოკრატიის იდეა, პატივისცემა მოქალაქის პოლიტიკურ თავისუფლებისადმი ღრმით შეითვისა ხალხმა. ეს იდეა თან და თან ხორციელდება ევროპაში. რუსეთში პირველი დიდი გამარჯვება დემოკრატიისა ჩვენ ვნახეთ 1905 წელს. მაგრამ ხალხმა სისხლით მოპოებული უფლებანი ვერ შეინარჩუნა, იგი ჯერ კიდევ სუსტი აღმოჩნდა. 1905 წლის მოძრაობას რეაქციის შავი ღრუბლები ამოფარა. თებერვლის დიდმა რევოლიუციამ თვითმპყრობელობის ბორკილები მთლათ დაამხვრია; მის ნანგრევებზე აღამართა წითელი დროშა დემოკრატიისა და თავისუფლ მისა.

მე მახსოვს პეტროგრადის მუშათა საბჭოს ერთი სდოშა კარლო ჩხეიძის თავმჯდომარეობით. თურმე ვიზორგის მხარეზე შეუწყნებელი ბრბო მივარდნილა შეგაზეთესათხ, წაურთმეგვია და ნაფლეთნაფლეთათ უქცევია ბურჟუაზიული განუთები: „არ გაპედოთ არა-სოციალისტური განუთების გაყიდვა“ — უყვირიათ გულწრფელ, მაგრამ შეუწყნებელ მუშებს. ამ ამბის შესახებ მუშათა და ჯარის-კაცთა საბჭომ ერთხმათ გამოიტახა დადგენილება, სადაც იგი სასტიკათ ჰგმობდა თავისუფლების და დემოკრატიზმის შელახვას. ეს იყო მარტში. ეს იყო დიდი რევოლიუციის პირველ გამარჯვების შემდეგ.

დღესაც რუსეთი დიდი რევოლიუციის პროცესში იმყოფება. ქვეყანას განაგებს — ქვეყნის მიერ დაწუნებულ პარტიული მთავრობა ბალშევიკებისა,

რომელნიც დღემდე თავის თავს სოციალ-დემოკრატებათ სთვლიან. ბოლშევიკები წინათ დანარჩენ სოციალისტებთან ერთათ გმირულ ბრძოლას ეწეოდნენ დემოკრატიასთან. რას სჩადიან ისინი დღეს? არა ბოლშევიკური, როგორც ბურჟუაზიული, ისე სოციალისტური გაზეთები—ცნზურს ქვემოქყოფებიან, იდეალური წესით არჩეული ხალხის ორგანოები გარკველი არიან, დამფუძნებელ კრების წევრებს შეურაცყოფენ და აპატიმრებენ... გამეფებულია ლენინის და ტროცკის დიქტატურა! ხალხი აღარ იღებს მონაწილეობას ქვეყნის მართვა-გამგეობაში, იგი ძველებურათ თვითმყრობელთა მონამორჩილი შეიქნა. ლენინის დეკრეტები და ბრძანებები ვითომდა სოციალისტურ რევოლუციის მიზნისთვის გამოცემულნი, აბრკოლებენ ხალხის თვითმოქმედებას, ახშობენ მის პსიხიკაში პატივისცემას დემოკრატიისადმი, ჰქმნიან მასში ისეთ სულისკვეთებას, რომლითაც ადვილათ ისარგებლებს კონტრ-რევოლუცია. ამას მშვენიერათ გრძნობენ შავრაზმელები, რომელნიც დღეს უკვე თამამათ გაიძახიან, მომზადდა ნიადაგი მონარქიის დაბრუნებისათვის.

დღეს აღარ არის დემოკრატია; იგი შეურაცხყოფილი და დამარცხებულია ბოლშევიკების პოლიტიკის წყალობით. მაგრამ საბედნიეროთ, ყველგან ასე არ არის, ჩვენში, ამიერ-კავკასიაში, კერძოთ საქართველოში—დემოკრატია ისევ ძლიერი და შეურაცხველია. ჩვენ ღრმათ გვწამს, რომ ჩვენ მიერ რუსეთში მარტონი არა ვართ. ჩვენს მხარეზე რუსეთის ყველა სალი, ნათელი, ქეშმარიტათ დემოკრატიული ელემენტი. ეს რწმენა გვასულდგმულებს ჩვენ. ამიტომ ჩვენში ისევ ძლიერია იმედი, რომ ღროვებით დამარცხებული დემოკრატია კვლავ აღსდგება, აამუშავებს თავის საუკეთესო იარაღს—დამფუძნებელ კრებას—და მიიყვანს ხალხის მძრბობას გამარჯვებამდე.

მ. ხუნდაძე.

ძველი და ახალი.

„ორი მარქსიზმი“.

მარქსიზმი კაპიტალისტურ საზოგადოების შინაგანმა წინააღმდეგობამ წარმოშვა; ბურჟუაზიულ წყობილების ნერვიულმა ცვალებადობამ მისცა მას დაუდგრომელი, დიალექტიური სული, „მომავლის კლასმა“ პროლეტ-

რიატმა კი თავის სიმტკიცე და ცხოველმყოფლობა. ამიტომ, ცხადია, მარქსიზმს, როგორც ისტორიულ განვითარების ახსნის და შესწავლის მეთოდს ყველაზედ უფრო მისივე დედა-კაპიტალისტური საზოგადოება უნდა ამტკიცებდეს.

და მართლაც შინაგანი წინააღმდეგობა და კლასთა დაპირდაპირება ისე არასოდეს არ ყოფილა ნათლათ გამორკვეული და მასთან სამკედრო-სასიცოცხლო, როგორც დღეს, ამ ხანაში. მუშათა კლასმა, პროლეტარიატმა ამ ქვეყნათ თან მოიტანა თავისი ინდივიდუალური განსაკუთრებული სახე, ფსიქოლოგია, აზროვნება და მეთოდი ბრძოლისა. ბურჟუაზიის და პროლეტარიატის მატერიალურ ინტერესებს შორის წინააღმდეგობამ წარმოშვა წინააღმდეგობა საზოგადოებრივ ცხოვრების ყველა სფეროში; ეს წინააღმდეგობა იმდენათ ძლიერია, რომ თითქმის მომავალ, ახალ საზოგადოებას, არ სურს არავითარი მემკვიდრეობა მიიღოს ძველისაგან.

აქედან ცხადია მომავალი სოციალური რევოლუცია მარტო მატერიალური, ნივთიერი კი არ იქნება თავისი შინაარსით, არამედ გონებრივი და ზნეობრივიც; რევოლუცია ყველა სფეროში, დარგში უნდა მოხდეს, ცხოვრების ყველა მხარეს უნდა გასწვდეს. დღეს დასავლეთ ევროპაში სწარმოებს ბრძოლა ორ კლას შორის, მაგრამ ბრძოლა იგი ამავე დროს არის ბრძოლა ორ, ბურჟუაზიულ და პროლეტარულ, კულტურის შორის.

ბურჟუაზიული საზოგადოება დაავითმყოფებულია, ავით არის მისი კულტურაც; შიში, გამოურკვევლობა და მისტიური პუსიმიზმი, იმედგაცრუება—ახასიათებს მის შინაგან ცხოვრებას. მომავალი მისთვის ბნელით არის მოკული, აწმყოს რკინის კანონები კი მის წევრს ცხოვრების ტალღების უბრალო ბურთადა ჰხდის.

პროლეტარული კულტურა კი, ისე ვით მიეღი მისი მოძრავი ფსიხიკა, ენერგიით და სიცოცხლის დაუშრეტელ სიყვარულთათ არის მასვე; მუშათა კლასის მონურ მფლობარეობის მიუხედავათ, ბრწყინვალე მომავლის სხივები შეძლებას აძლევს მას ტანჯვით სავეე აწმყო დასძლიოს და „დიადი ტანჯვა“ „დიად სიხარულათ“ ექცეს. მომავალი შარავანდედით არის შემოსილი, მედგარი ბრძოლა ამ მომავლისათვის—აი მრწამსი პროლეტარულ მოძრბობისა... ცხოვრების სალი შეცნობა, ცოდნა ბუნების და ადამიანისა, ცოდნა რეალისტური—აი საუკეთესო იარაღი ამ ბრძოლაში.

პროლეტარიატი ჯერ კიდევ გზაში ჰკრფის თავის ძალას და სიმტკიცეს, იგი თანდათან ჰღებულობს დასრულებულს თავის სახეს... პროლეტარული კულტურაც ჯერ დაუსრულებელია, იგი ეხლა განიცდის განსახების ხანას. პროფესიონალური, პოლიტიკური და კომპერატიული ორგანიზაციები; სხვა და სხვა კულტურული და განმანათლებელი დაწესებულებანი; აწ დამსხვრეული მაგრამ თან და თან ძალების ხელ-ახლავ შემკრფი ინტერნაციონალი; პროლეტარული ლიტერატურა, ხელოვნება, ჯერ კიდევ სუსტი, მაგრამ მომავლის შვილი—აი უმთავრესი მხარეები პროლეტარულ კულტურისა.

მაგრამ მარქსიზმი უმთავრესი დედა-ძარღვია ამ კულტურის, უმთავრესი ბრძოლის იარაღი და მასთან თავისივე თავის შეგნების, თვითშემეცნების, თავისივე ძალების აწონ-დაწონვის საშუალება. მარქსიზმი უპირველეს ყოვლისა მეცნიერებაა, და ამხვე დროს იგი მუშათა კლასის იდეოლოგია არის. ეს ორი, თუ შეიძლება ასე ითქვას, თეორიული და პრაქტიკული მომენტი მარქსიზმში საუკეთესოა არის შეერთებული, რადგან პროლეტარიატს, ყველაზე უფრო პროგრესიულ კლასს, თავის იდეოლოგიის სახით უკანასკნელი მეცნიერულ სიტყვაც მოაქვს. ეს სინთეზი*) პრაქტიკულ და თეორიულ მომენტისა თავისებურად სახეს და ხასიათს აძლევს მარქსიზმს, როგორც იდეოლოგიას და მეცნიერებას; მუშათა კლასის ძლიერების და გავლენის ზრდასთან ერთად იზრდება და ფართოვდება პროლეტარული კულტურა და კერძოდ მარქსიზმი. იზრდება მარქსიზმის გავლენა გონებრივ ცხოვრების ყველა დარგში, რადგან იგი—იდეოლოგია მებრძოლ კლასისა—უპირველეს ყოვლისა ყველა ძველ ღირებულებათა ხელ-ახლად შეფასება უნდა იყოს. ამიტომ მარქსიზმის უმთავრესი მისწრაფებაა გაღრმავდეს და გაფართოვდეს.

მარქსიზმის მამამთავრების, მარქსის და ენგელსის, ცხოვრების დროს ბევრი ისეთი კითხვა, რომელსაც ეძღა დიდი რეალური მნიშვნელობა აქვს, ჯერ კიდევ არ იყო ცხოვრების მიერ დასმული, ზოგ მხარეს კი ორი პიროვნება ვერ გასწვდა და მთლიანი პასუხი ვერ გასცა. ასე მაგ. ეროვნული, აგრარული საკითხი, აგრეთვე პროლეტარული ესთეტიკა და სხვ. მაშინ მკაფიოდ და გარკვევით არ იყო წამოყენებული ცხოვრების მიერ, რომ ფართოდ და მთლიანად შეპყრობდნენ მათ. მეორეს მხრით ზოგი საკითხის გაშუქება, მათ შორის პროლეტარულ ფილოსოფიას, მათ ვერ მოასწრეს და მხოლოდ რამდენიმე დებულებად დაგვიტოვეს.

აქედან ცხადია მარქსიზმი მე-19 საუკუნისა მხოლოდ ძლიერი საფუძველი არის იმ დიად მარქსიზმისა, რომელიც სოციალისტურ რევოლუციის დროს ახალ კულტურის უმთავრეს ძარღვად უნდა მოეცინოს განახლებულ კაცობრიობას. მარქსიზმი მე-19-ე საუკუნისა იზრდება, ფართოვდება, ახალ კითხვებს აძლევს პასუხს; იგი ყოველგან თავის ბატონობას ამკვიდრებს. მტრებს ეს მისი კოზისი ჰგონიათ, მაგრამ ვერ ჰგონობენ, რომ ეს „კრიზისი“ ზრდის და განვითარების „კრიზისია“. ამ „ორ“ მარქსიზმს შორის, თუ შეიძლება ისინი ისე განისაზღვროს, არავითარი პრინციპიალური განსხვავება არ არსებობს, ისინი ერთს ორგანიულს მიეღს შეადგენენ, მხოლოდ განვითარების თვალთახედვის ისრის ქვეშ განხილულს: ერთი-მეორის გაღრმავება და შემდეგი განვითარებაა—განვითარება და არა შეცვლა. ამისთვის ჩვენ ამ განვითარების ხაზს გარეშე ვსტოვებთ „რევიზიონიზმს“, როგორც მარქსიზმის განვითარებას კი არა, არამედ მის შეცვლას და ფულგარულად „გადაკეთებას“; იგი მარქსიზმის ძირითად

მეთოდსაც სცვლის, მის განსაკუთრებულ სულს აწყალებს... სულ სხვა გვინდა ესთეტიკა ჩვენ... ..დიდი მარქსიზმი“ არ პლატატობს ორტოდოქსალურ**) უმთავრეს შინაგან მიმართულებას, მაგრამ მასთან არავითარ განყენებულ აბსოლიუტებს***) არ ჰქნის თავის მოძღვრებაში, ხას ხომ ასე რიგათ სძულს ყოველგვარი „შეურყვევარი“ სამარადისოდ დასრულებული და გამოკვეთილი ქეშმარიტება. მარქსიზმი განსაზღვრულ ხანის შვილია, იგი მუშათა კლასის იდეოლოგიაა, ამას გარდა მისი სხეული ვითარდება თვით ამ ხანის ფარგალშიც და იცვლება კიდევ ზოგიერთ ნაწილებში: მაგრამ ეს ცვლილება განვითარების ცვლილებაა. რაც დრო გავლის იგი მტკიცდება და ღრმავდება: მოვა დრო, როდესაც ეს გეგანტი, მთლიანი და სრული, იდეოლოგიის თავის გამარჯვებას.

„რა უნდა იყოს მარქსიზმი?—ისის სიტყვით ჰკითხულობს პეტრე იუჟკეიჩი—სუყველაფერი... რა არის ის სინამდვილეში?— ცოტა რამ... ეს, რასაკვირველია, შედარებითი „ცოტა რამ“ არის, ეს უზარმაზარი „ცოტა რამ“ არის. მაგრამ მარქსიზმის ამ აქტუალურ, გამოაშკარავებულ ფორმისაგან ჯერ შორს არის იმ ფარულ, პოტენციალურ სიმდიდრემდის, მასში რომ არის ჩამარხული. პოტენციალური მარქსიზმი—მეოთხე წოდების დედა, უნივერსალური, ყოველმხრივია; არაფერი აღამაინის შესახებ, კულტურული მისთვის უცნობი არ არის: რელიგია, ეთიკა, ესთეტიკა, ფილოსოფია, სალიტერატურო და სასატიკო კითხვები—ყოველივე ამას მან უნდა გასცენ, დადებითი თუ უარყოფითი, მაგრამ ორგანიულად შეკავშირებული და შეთანხმებული პასუხი“.

ზოგი მარქსისტი პესიმისტურად უცქერის მთლიან, „დიად“ მარქსიზმის და უფრო კი პროლეტარულ კულტურის სხვა მხარეების (ხელშეწყობა და სხვ.) ბურჟუაზიულ საზოგადოებაშივე ჩამოყალიბების შესაძლებლობას. ჩვენ არ ვიზიარებთ ამ პესიმიზმს... მარქსიზმის განვითარების შემაფერხებელ მიზეზებშივე უნდა ვეძიოთ გამოსასვლელი გზა. ეს მიზეზები ორგვარი არის: მატერიალურ, ნივთიერ და ფსიხოლოგიურ ხასიათისა.

პროლეტარიატი თუმცა მებრძოლი და პროგრესიული კლასია, მაგრამ მასთან იგი დამონავებული კლასი არის. მან ძეგათ უნდა აიღოს ყოველი, თუ ვინღ შედარებით უმნიშვნელო, პოზიცია... ამ ბრძოლაში კი იგი იძულებულია უმთავრესი თავისი ყურადღება პრაქტიკულ მხარეს მიაქციოს და იმ დარგებს გონებრივ ცხოვრებისას, რომელნიც ამ პრაქტიკულ მხარეებს უფრო ეხებიან. ეს კი ხელს უშლის მარქსიზმს გაფართოვდეს და განვითარდეს. მეორეს მხრით, მატერიალურ დაქვეითების გამო, პროლეტარიატს უძნელობა თავის იდეოლოგიების თავისივე წიაღში წარმოუდება, მაგრამ ამასთანავე უძნელება მასთან მოსულ ინტელიგენციის შენახვა და მატერიალურად უზრუნველყოფა. ამისთვის ბევრი ინტელიგენ-

**) ორტოდოქსალური—ქეშმარიტი.

***) აბსოლიუტი—უცილობელი, პირველი და სრული ქეშმარიტება.

*) სინთეზი—შეერთება, შედუღება სხვა და სხვა საგნებისა, ან მცნებისა.

ტი, მწარე დღეების დროს, სცილდება მას და იგი მხოლოდ და ენტუზიასტების ამირა რჩება.

მეორე რიგი მიხეხებისა ფსიხოლოგიურ ხასიათის არის. ჩვენ წვეითაც ვსთქვი: მარქსიზმი პარმონიულაი***) არის შედუღებული პრაქტიკული და თეორიული მომენტი. მაგრამ ყოველი პარმონია და სინეზი, რა ვინდ ძლიერიც არ უნდა იყვის, თავის განვითარებაში, ცხოვრებაში გატარების დროს, სხვა და სხვა მიხეხების გამო ააშკარავენს მეორეხარისხოვან (подвижны) სისუსტეს. ასეთ სისუსტეთ ჩათვლება პარტიული კონსერვატიზმი, რომელიც სწევია ყოველ პარტიას, როგორც ასეთს, (უფრო კი არა პროგრესიულს) და რომელიც აფერხებს მის საღს ზრდას და თეორიულად დასრულებას. აქ არის საფრთხე ერთ ერთ „აბსოლუტის“ შექმნისა, მიუხედავად იმისა, რომ მარქსიზმი ამსხვრევს ყოველგვარ აბსოლუტებს. ეს ერთი... პროლეტარიატი ამახთანავე მემკიდრე არის ბურჟუალიულ საზოგადოების ყველა კულტურულ ღირებულებათა, რადგან ის მოსპობს და განანადგურებს, რაც განანადგურების ღირსია, ხოლო იპატებს, რაც შენარჩუნების ღირსია. ამაშია სიბრძნე და პრინციპი ყოველ რეგულიციისა. ამ ღირებულებათა შეხანარჩუნებათ კი მუშათა კლასს უნდა შესწევდეს ობიექტიურ შეფასების ძალა; მაგრამ ეს ობიექტიობა ბრძოლაში მონაწილე კლასს ძნელათ თუ შეუძლია გამოიჩინოს... მის ძალიან სძულს ყოველი საწინააღმდეგო, მისთვის ძნელია თავის მოწინააღმდეგის თუნდაც მარგალიტების დატოვება და შენახვა. არის კიდევ მესამე ფსიხოლოგიური საფრთხე, რომელიც, პირველ შეხედვით, აქარწყლებს ჩვენს წინანდელს ნათქვამს. ეს საფრთხეა სხვა კლასების იდეოლოგიით პროლეტარიატის გავლენათა. თანამედროვე ცხოვრების ძაფები ისე ვადკლარათულია, რომ ზოგიერთ ეკონომიურ მდგომარეობის დროს (უფრო კი, როგორც კაუცი აღნიშნავს, „მიწუნარების“ ხანაში.) ადგილი ჰხდება სხვა კლასების იდეოლოგიის უნებლიე ნაწილობრივი შეთვისება; ამის მაგალითია „რევიზიონიზმის“ და წვრილ ბურჟუაზიულ იდეების ზრდა გერმანიის სოც.-დემოკრატიკაში. ეს ორი მხარე ფსიხოლოგიურ დულაიზმის****) იგივე მეორეხარისხოვანი სისუსტეა პროლეტარულ მოძრაობის მეორე პარმონიისა: მუშათა კლასი ნაწილია ბურჟუაზიულ საზოგადოებისა და ამავე დროს მისი უარყოფელი და მომავლისათვის მებრძოლი.

ასეთია მატერიალური და ფსიხოლოგიური დაბრკოლებანი მარქსიზმის ჩამოყალიბების გზაზე. მიუხედავად ამისა მომავალს იმედინათ ვუქქერი: მარქსიზმი ამ ბრძოლაში გამარჯვებული გამოვა. პროლეტარიატი თან და თან იპყრობს პოზიციებს და თავის მდგომარეობას აუმჯობესებს, ეს კი და მასთან ერთად ძლიერი ენტუზიაზმი*****)

****) პარმონია — კეთილზმოდანება; ამ შემთხვევაში — შესაბამება.

*****) დულაიზმი — გარობა, ორპიროვნება.

*****) ენტუზიაზმი — აღტაცება, უფრო რაიმე იდეით და იდეალისათვის ბრძოლით.

და შინაგანი ძალა პროლეტარულ მოძრაობისა შეძლებას მისცემს მას მრავლათ წარმოშვას თავისი იდეოლოგიები და ინტელიგენტური ძალებიც დააკმაყოფილოს. მეორეს მხრივ იგივე ენტუზიაზმი და დაქვეითებული მდგომარეობა „პროლეტარულ“ ინტელიგენციისა მუშათა კლასთან აკავშირებს და აერთებს მას. ყველა ეს ამზადებს მატერიალურ ნიადაგს მთლიან იდეოლოგიის შექმნისათვის. მარქსიზმი შესძლებს აგრეთვე გადალახოს ფსიხოლოგიური დაბრკოლებანი. იგი ერთად ერთი იდეოლოგიაა, რომელმაც სავსებით იცნო თავის თავი და ადგილი კაცობრიობის განვითარებაში. ეს თვითშეგნება და აგრეთვე თვით პროლეტარულ მოძრაობის სწორი ალო შეძლებას მისცემს მას გადალახოს პარტიული კონსერვატიზმი, შეინარჩუნოს საჭირო ობიექტიობა და ასცდეს ბურჟუაზიულ კულტურის საშიშრობას. ამის ნათელ ნიშნებს ჩვენ უკვე ვხედავთ. ყველა ეს იმედს გვაძლევს და სიხარულით მოველოთ მარქსიზმის და საერთოთ პროლეტარულ კულტურის სრულყოფას და სრულქმნას. შეიძლება მანძილი გამოაშკარავებულ და ფარულ, პოტენციალურ მარქსიზმს შორის სოციალიზმამდე სასებით არ ამოიგოს, მაგრამ ძლიერ შემცირდება კი და ეს არსებითათ არ სცდის მდგომარეობას. სოციალიზმი კი, მიუხედავად იმისა, რომ მის დროს იდეოლოგია ეკონომიურ ცვლილების მიხედვით სხვა განსაკუთრებულ გეზს დაადგება, გვირგვინი იქნება მარქსიზმის და პროლეტარულ კულტურისა.

ასეთსავე განვითარებას განიცდის მარქსიზმი რუსეთში და კერძოთ საქართველოში; 90-იან წლებში ჩაყარა ჩვენში საფუძველი მარქსისტულ მოძრაობას და ამ საფუძველზე თანდათან იზრდება ბუმბერაზი ხე სოც.-დემოკრატიულ მიმდინარეობისა. ცხადია, ზემო აღნიშნულ პირობების გამო, ამ მარქსიზმს, როგორც დამწყებს, ვერ ექნებოდა ყოველმხრივი, უნივერსალური ხასიათი, იგი მხოლოდ სოციალურ-ეკონომიურ და საპოლიტიკო კითხვებით იყო „განსაზღვრული“; ამით ჩვენ სრულიადაც არ გვირდა შეგამცირით მისი მნიშვნელობა, ეს „განსაზღვრული“ რამ, ისე როგორც მარქსიზმი მე-19-ე საუკუნისა, უზამმაზარი და ბრწყინვალე რამ არის. ბნელით მოცულ კონსერვატიულ ქართულ აზროვნებაში იგი, ვით სხივი სინათლისა, ისე შეიჭრა და ორთქმავალის პირველ საყვირით შეაშფოთა ინერტიული*****) ქართველი საზოგადოება. ცხადია მას ნგრევა ძველისა ძირიდან უნდა დაეწყო, უნდა აესხნა საქართველოს ეკონომიური მდგომარეობა და პასუხი გაეცა სხვა და სხვა სოციალურ კითხვებზე; მას უმთავრესი ყურადღება კონკრეტულ მხარებისათვის უნდა მიექცია, და კონკრეტულათ მაშინ ცხოვრებამ ეს წამოაყენა... ამ თეორიულ მუშაობასთან ერთად აღარება ძალ-ღონე იხარჯებოდა პრაქტიკულ მოქმედებაზე... ოცი წელი იბრძოლა ჩვენში მარქსიზმმა და ღირსეულათ მოიტანა თავისი დროშა დღემდის... დღიდან უკეთესი ცხოვრება იწყება და ცხოვრებამაც ახალი საკითხები დასვა დღიურ წესრიგში... მარქსიზმი

*****) ინერტიული — უმოქმედო.

ჩვენშიაც უნდა გაღრმავდეს, გაფართოვდეს, ყველა სფეროში შეიქრას და თავისი „მე“ დაამკვიდროს... ეს მესამე დასის ტრადიციის ღირსეული განგრძობა იქნება, არა მისი წინააღმდეგობა, არამედ შემდეგი ზრდა ყველა იმ მარგალიტებისა, რომლებიც მესამე დასის თეორიულ შე-

მოქმედებაში იყენებ დამარბული, და მასთან განსახება, რელიზაცია ყველა იმ შესაძლებლობისა და ფარულ სიძლიერისა, რომელიც პროლეტარიატის მთლიან ფსიქიკაში და მოძრაობაში არის ჩაქსოვილი.

ბაძინა რამიშვილი.

შ ე ზ ი ც ვ ა .

ვფიცავ, ვით გმირი სწორ-უბოვარი,
თავდადებულთა წმინდა საფლავებს,
ხმალ-ამოწვილი, თქვენს რაზმში მდგარი
მეც ვასახლებ მედგარ მხარ-მკლავებს!
დაე, წინ შემხედს მტარავლთა ჯარი,—
ვიბრძოლებ!, ბრძოლა—ლხენაა, ლხენა!
მე მაფრთოვანებს ბრძოლა მედგარი,—
ელვარე ხმალთა ჰაერში ფრენა!

ნუ მიღრსებია მშობლიურ ჰერ ქვეშ
სატკბილალერსოთ მშობელი დედა,
თუ ურდო-მტერთა სისხლის ნაკადით
ვერ გარდებანე გულიდან სევდა!
ნურც მოესწრებივარ სატრფოვსგან ტრფობას
და სიტკბობებს ჟამთა სრბოლაში,
მაღალ მიზნისთვის შეფიცულ ძმობას
თუ ვულალატო დიად ბრძოლაში!

მაშ, სულის ძმებო, იშიშვლეთ ხმლები!
აღმართეთ დროშა ხალხთა შეგებისა!
დაე გრგვინავდნენ მედგარი ხმები
ცხოვრების გერთა გამარჯვებისა!..

გნო.

ეროვნული პრობლემა და მარქსიზმი.*)

I.

თანამედროვე ერი და ეროვნული მოძრაობა.

დღევანდელმა უმაგალითო ომმა და მის მიერ გამოწვეულმა რევოლუციამ დღიურ წესრიგში წამოაყენა ეროვნულ პრობლემის პრაქტიკულად გადაჭრა. კაპიტალისტურ ხანაში ეს პირველი მაგალითია,—როცა ეროვნულმა მოძრაობამ ასეთი ფართო ხასიათი მიიღო. მთელ ევროპაში, რუსეთში, ვიტყვი მეტს,—მთელს დედამიწაზე დღეს ყოველი ერი ამოძრავდა, გამოიჩინა თავისი მთლიანი ინდივიდუალური სახე („მე“) და გამოხატა ცხოველყოფილი ძალა და მისწრაფება ეროვნულ თავისუფლებისადმი.

მაგრამ რაში გამოიხატება ეს ეროვნული თავისუფლება?

რა ფორმით და შინაარსით უნდა განხორციელდეს ერის მისწრაფება? ყველასათვის ერთი პრინციპი და ერთი გეგმა არის საჭირო, თუ თვითეული ერის მოთხოვნები და მოკიდებულება სხვა და სხვა რეალურ პირობებზე? აი აქ დასმულ კითხვებზე გვინდა ჩვენ მოკლე თეორიული წერილით ვუბასუხოთ.

რასაკვირველია, ვიდრე თვით ეროვნულ პრობლემის შესახებ ვიტყვილით რაიმეს, საჭიროა გამოვარკვიოთ

მეცნიერულად, რას წარმოადგენს თვით ერი, რას ნიშნავს ცნება—ერი? სოციოლოგიაში და ფილოსოფიაში არსებობს მრავალი თეორიები, რომელნიც ცდილობენ რაც შეიძლება სწორეთ გამოარკვიონ ეს კითხვა. თვითეული თეორია ხშირათ ძალიან საინტერესო არის, მაგრამ, მეცნიერულ თვალსაზრისით, სათანადოთ ვერ სწავებებს დაყენებულ კითხვას. ავიღოთ, მაგალითათ, რასიული თეორია, რომელიც ამტკიცებს, რომ თვითეული ერი, ნაცია წარმოადგენს თავისებურ მატერიალურ არსებას, სუბსტანციას. ეს მატერიალური სუბსტანცია არის ის უჩინარი, მისტიური ძალა, რომელიც ქმნის საერთო ეროვნულ ხასიათს. მთელი ისტორია ამ თეორიის წარმოდგენილი აქვს, როგორც მუდმივი ბრძოლა სხვა და სხვა რასიულ არსებთა შორის. რა თქმა უნდა, ეს შეხედულება ვერ დავაკმაყოფილებ ჩვენ, ვინაიდან არ კმარა მარტო იმის აღნიშვნა, რომ არსებობს სხვა და სხვა რასა, საჭიროა ამ სხვა და სხვაობის მსცნიერულად ახსნა და დასაბუთება. რასიული თეორიები წარმოადგენენ საერთოთ ეროვნულ მატერიალიზმს, რომელსაც გობინოს წყალობით ერთგვარი ვასავალი ჰქონდა მე-XIX საუკუნეში. მეორე მხრით, ეროვნულ სპირიტუალიზმის მიმდევრები იმ აზრს იზიარებენ, რომ ერი წარმოადგენს განსხვავებულ სულიერ არსებას, სულს; ერის ისტორია—ეს არის ეროვნულ სულის განვითარება; მსოფლიო ისტორია—სხვა და სხვა ეროვნულ სულთა შორის ქიშპობა, ბრძოლა. მაგრამ რა არის ეს ეროვნული სული, საიდან წარმოიშვა იგი? ამ კითხვაზე პასუხს ჩვენ სპირიტუალისტები ვერ გვაძლევენ.—ჩვენ არ შეუვადგებით დეტალურ

*) წყაროებს ამ წერილის ბოლოში აღვნიშნავთ.

განხილვას სხვა და სხვა თეორიებისას, რომელნიც უახლოვდებიან მეტაფიზიკურ ფილოსოფიას და ამის გამო ვერ ძალუთ სწორეთ გადაჭრან კითხვა.—გარდა ამისა არსებობს ისეთი თეორია, რომელიც ერის ცნების შემადგენლობას ხსნის რამოდენიმე ელემენტით. 1) საერთო შთამომავლობა, 2) საერთო ზნე-ჩვეულება, 3) საერთო ენა, 4) საერთო კანონები და რელიგია, 5) საერთო ისტორიული წარსული, 6) საერთო ტერიტორია—აი ის ელემენტები, თვისებები, რომელნიც ქმნიან ადამიანთა უბრალო კრებულადან—ერს, ნაციას. ცალკე-ცალკე აღებული მათგანი ვერ ახსნის, რა თქმა უნდა, ერთა სხვადასხვაობას. ვინ არ იცის, რომ ხშირათ რამოდენიმე ერთ ერთ ენაზე დააბრაკობს (ამერიკელები, ინგლისელები, ირლანდიელები), ან კიდევ ერთ ერში გაბატონებულია რამოდენიმე რელიგია (მაჰმადიანი და ქრისტიანი ქართველები) და სხვა და სხვა. ყველა ეს თვისებები, ერთათ აღებული, ობიექტიურათ თუ ახასიათებენ ნაციას, მაგრამ მეცნიერებისათვის არ კმარა რამოდენიმე თვისებათა ჩამოთვლა მხოლოდ, როდესაც განმარტავ რაიმე ცნებას. გარდა ამისა საჭიროა ამ თვისებების, ელემენტების ლოგიკური და ისტორიული სისტემატიზაცია.

უამისოთ ამ თეორიას მხოლოდ აღწერილობითი მნიშვნელობა ეძლევა.—სანამ გამოთქვამდეთ ჩვენ აზრს იმ კითხვებზე, თუ რა არის ერთი, ჩვენ მოვიყვანოთ კიდევ ერთ მეტათ საინტერესო თეორიას, რომელიც ეკუთვნის ფსიხოლოგიურ შკოლას. პსიხოლოგისტების შეხედულებით ერთი ეს სუბიექტიური, პსიხოლოგიური მოვლენა არის.

მე ვფიქრობ, ვგრძნობ, რომ მე ქართველი ვარ, ამიტომ მე მართლაც ქართველი ვარ, თუ არ არის ასეთი ეროვნული თვითშეგნება და ეროვნული გრძნობა, არ არსებობს ერთი ჩვენ დავეთანხმებით ამ თეორიას, მხოლოთ იმაში, რომ მართლაც ერთი ბოლოს და ბოლოს სუბიექტიურათ გამოიხატება ადამიანის სულიერი არსებაში, მის ფსიხიკაში, მაგრამ ნუ თუ ეს სუბიექტური მხარე საკმარისია იმის გამოსარკვევათ, თუ რა არის ერთი?

როდესაც მეცნიერი, მაგალ. ქართველი, მიდის ევროპაში და ამირებს გამოიკვლიოს, თუ რითი განირჩევა ფრანგი—გერმანელისაგან, ის მიმართავს, რა თქმა უნდა, ისეთ ობიექტიურ თვისებებს, რომელნიც საერთოთ ახასიათებენ ერს. ის ვერ გადასწყვეტს, რომ ეს არის ფრანგი და ის გერმანელი მხოლოდ იმიტომ, რომ ფრანგი გრძნობს და ამბობს, რომ ის ფრანგია და გერმანელი კი თავის თავს გერმანელათ სთვლის. მერე იბადება კითხვა, — რატომ გრძნობს ფრანგი თავის თავს ფრანგათ, რას წარმოადგენს ის უჩინარი ძაფი, რომელიც გაბმულია მის და სხვა ფრანგათ შორის? გამოდის, რომ ეროვნული თვითშეგნება არ არის პირვანდელი ფაქტორი ერისა, რომ რაღაც სხვა მიზეზები ქმნიან ეროვნული ვინაობის გამოკვეცას, ეროვნულ თვითშეგნებას.

შემდეგ უნდა ხაზგასმით აღვნიშნოთ, რომ, თუ რო-

მელიმ ნაწილი ერისა არ სთვლის თავის თავს ამ ერის შეილებათ, ეს კიდევ არ მოასწავებს იმას, რომ ესენი მართლაც არ ეკუთვნიან ამ ერს. თუ გამაჰმადიანებული ქართველები თავის თავს სთვლიან თურქებათ, მეცნიერებისთვის ეს სრულიად არ ნიშნავს იმას, რომ აქარლები ან სხვა მაჰმადიანი ქართველები—თურქები არიან.

ამ არგუმენტებიდან ცხადია, რომ ეროვნული შეგნება, ეროვნულ-ფსიხოლოგიური თვითგამორკვევა არ აკმაყოფილებს მეცნიერულ მოთხოვნილებას.

უნდა გამოვტყვეთ, რომ საერთოთ მეცნიერებაში არ არის ნათლათ გამოკვეცილი ცნება—ერთი!

ერთი—ეკუთვნის იმ ცნებათა რიცხვს, რომელთა შესახებ ინგლისელი მეცნიერი ბეჯგონი ამბობდა: „ჩვენ ამ ცნების შესახებ ვიცით რაიმე მანამდე, სანამ არ დავგვეკითხებიან, თუ რას ნიშნავს ეს“!

თუ ლოგიკის მხრით ჩვენს ახსნა ერისა არ იქნება მთლათ დამაკმაყოფილებელი, ყოველ შემთხვევაში, ჩვენ გვონებთ, რომ მაინც დაახლოვებული ვიქნებით სრულ მეცნიერულ განმარტებასთან.

თავიდანვე ვიტყვი, რომ ჩვენ ვდგევართ ორტოლოჟიკალურ მარქსიზმის ნიადაგზე, რომელიც მეცნიერებაში გამავრებულია ერთი მხრით დარვინიზმით, და მეორეს მხრით უკანასკნელ საუკუნის სოციალოგიურ და ისტორიულ გამოკვლევებით.

მარქსისტულ შეხედულებამ უარყო ყოველგვარი მეტაფიზიკა და მოუხანხა თვითულ სოციალურ მოვლენას, მათ შორის ერსაც, ისტორიულ, რეალურთ ახსნა. ერთი—არ არის ერთი დამთავრებული მოვლენა, რომელიც წარმოშვა განსაკუთრებულმა მეტაფიზიკურმა სუბსტანციამ, არა, ერთი—ეს ჯერ კიდევ დამთავრებული ნაყოფია ისტორიულ პროცესისა, რომლის უკანასკნელ, საბოლოო მწვერებს შეადგენს საწარმოვო ძალთა განვითარება. ადამიანები საზოგადოებრივ ცხოვრების მოსაწყობათ, ცხოვრების სახსარის საშოვნელათ „შედიან განსაზღვრულ და თან უნებლიე დამოკიდებულებაში—საწარმოვო დამოკიდებულებაში“—ამბობს მარქსი თავის ცნობილ „პოლიტიკურ ეკონომიის კრიტიკაში“.

ბრძოლა არსებობისათვის, მეტერიალურ საშვლებათა მოპოვების სურვილი—აერთებს ყვერთ ადამიანებს საზოგადოებაში. ეს საზოგადოება, რომელიც სცხოვრობს განსაზღვრულ გეოგრაფიულ ადგილზე, ტერიტორიაზე—დროთა მსვლელობის გამო თანდათან მჭიდროვდება და იქმნება ერთ განუყოფელ სოციალურ ორგანიზმათ. ერთ ტერიტორიაზე მომინადრენი, მუდმივ ურთიერთ დამოკიდებულების გამო დიდი ხნის განმავლობაში განიცდიან ურთიერთ პსიხიურ გალენას. ამის გამო თან და თან შემუშავდა საერთო ხასიათი, საერთო ზნე-ჩვეულებანი, საერთო რელიგია, ერთი სიტყვით საერთო სულიერი კულტურა.

აი ეს სოციალური ჯგუფი, რომელიც წარმოადგენს ისტორიულათ შემუშავებულ სოციალურ არსებას და არა უბრალო პიროვნებათა კრებულს—არის ერთი.

ასე, განსაზღვრულ ტერიტორიაზე მცხოვრებნი, ხანგრძლივ ისტორიულ პროცესში, ეკონომიურ ცხოვრებაში შქიდროთ შეერთებულნი, თან და თან იმუშავებენ საერთო ფსიხიკას, სულიერ კულტურას და საერთო ენას, რომელიც საუკეთესო გამოიმბატუნელია ერის ორგანიზულ მთლიანობისა. აი ეს განმარტება წარმოადგენს ეროვნულ ცნების ობიექტიურ მხარეს. მაგრამ ეს არ კმარა. კითხვის სრული გადაჭრისათვის ნუ დავივიწყებთ იმ ფსიხოლოგიურ მომენტს, რომელსაც ჰქვია ეროვნული თვითშეგნება და ეროვნული გრძნობა. აი ამ სუბიექტიურ მოვლენას ჩვენ ვეძახით, ეროვნებას.*) მაშინ როდესაც ერის შეიღინ გრძნობენ, რომ ისინი ეკუთვნიან ამა თუ იმერს, მაშინ შეიძლება ლაპარაკი იმაზე, რომ არსებობს ერთი მთლიანი, განუყრელი ერი და საერთო ეროვნული შეგნება. აი ეს მთლიანი ერი და ამ მთლიანობის სუბიექტიური შეგნება—ნაყოფია თანამედროვე ეკონომიურ ცხოვრებისა, თანამედროვე კაპიტალისტურ წესწყობილებისა. წინათ, ფეოდალურ ხანაში, როდესაც არ არსებობდა საერთო შეურუნება, ყოველი პროვისცია, კუთხე, გვარი, ოჯახი კარჩაკეტულათ ცხოვრობდა და ცხოვრებისათვის აუცილებელ საგნებს სახლშივე აზნადებდა, მაშინ, რასაკვირველია—არ არსებობდა არც მთლიანი ერი არც საერთო ეროვნული შეგნება. მაგალითებისათვის შორს ნუ წვადთ. ვილაპარაკოთ ჩვენ სამშობლოზე, საქართველოზე. მე-XIX—XX საუკუნემდე ქართველი ერი და საქართველო, როგორც მთლიანი რამ, არ არსებობდა.

იყო გურია და გურულები, ხევსურეთი და ხევსურები, სამეგრელო და მეგრელები და სხვა და სხვა.

საქართველო ყოველი კუთხე—ეკონომიურათ განცალკევებული იყო. ამიტომ არ არსებობდა არც საერთო ეროვნული თვითშეგნება. გურული თავის თავს გურულს უძახდა და არა ქართველს, თუცა ქართულ ენაზე ბაასობდა. ქართლის შეხედულებით, მას არაფერი არ ჰქონდა საერთო აჭარელთან ან მეგრელთან და სხვა. მას შემდეგ კი, როდესაც ჩვენი სამშობლოს სხვა და სხვა კუთხეები კაპიტალისტურ გზას დაადგენენ, განვითარდა აღმე-მიცემობა, ხშირი მიმოსვლა,—თახ და თან გართულდა ერის სხვა და სხვა ნაწილების ფსიხიური ურთიერთი დამოკიდებულება, თან და თან შემუშავდა მთლიანი ერი და საერთო ეროვნული შეგნება, თანამედროვე ქალაქმა, რომელიც კაპიტალიზმის ბურჯს წარმოადგენს, შეაკავშირა ერის ვაზნეული ნაწილები და შექმნა ისეთი პირობები, რომელნიც ხელს შეუწყობენ ეროვნულ ცხოვრების განვითარებას, ასეთი ცენტრი არის და იქნება მომავალშიც საქართველოსთვის, რასაკვირველია, თბილისი, ჩვენი დედაქალაქი.

ერის გამართლების და გაერთიანების პროცესი ყველგან ერთ ისტორიულ კანონს ემორჩილებოდა. ასე-

*) „ეროვნება და ერი ერთი და იგივე ცნების გამოხატულება არ არის. პირველი ეხება უფრო შეგნებას, ფსიხიურ მოვლენას, მეორე კი რასიულს, ობიექტიულს.“ —ნ. ჟორდანიას, „ჩრეული ნაწერები“ გვ. 625.

თივე კანონს ექვემდებარება როგორც რუსეთი, ისე სხვა ქვეყნების ერთი ისტორიული განვითარება.

ის ერი, რომელიც უფრო ადრე შესდგა თანამედროვე კულტურის გზაზე, რომელმაც უფრო ადრე შეკრიბა და შეადგა ერთ ხეულში თავისი ძალები—გახდა ძლიერი, გაბატონებული. მან შექმნა ეროვნული სახელმწიფო. ერი, უფრო პატარა, სუსტი, გვიან გამოსული თანამედროვე ისტორიულ ასპარეზზე—ვერ ასწრებს თავის სახელმწიფოს შექმნას, იგი ძალაუნებურათ ხდება სხვა ერის ბატონობის ობიექტათ. მისი კულტურული, ეკონომიური და პოლიტიკური განვითარება ამის გამო ფერხდება. დამორჩილებული ერი განიცდის ხან და ხან აუწერელ ჩაგვრას, შევიწროებას. ამ ნიადაგზე აღმოცენდა ეროვნული მოძრაობა, თანამედროვე ერში ეკონომიურ, ინტერესთა სხვადასხვაობის გამო ხდება კლასობრივი დიფერენციაცია, ჩვენ მის წიაღში ვხედავთ უმთავრესათ სამ ასე თუ ისე ჩამოყალიბებულ კლასს: ბურჟუაზიას, გლეხობას და პროლეტარიატს. თვითეული კლასი მიიღებს ეროვნულ თავისუფლებისადმი, მაგრამ თვითეულს აქვს თავისი განსაკუთრებული ეროვნული პროგრამა. დღეს თითქმის სუყველგან დიდი სახელმწიფოები—მრავალ ერიანი სახელმწიფოები, რომლებშიც გაბატონებულია მხოლოდ ერთი ან ორი ერი, სხვები კი მყოლებულნი არიან ყოველგვარი ელემენტარულ უფლებებსაც კი. მერე რა გზას ადგანან ამ დამოჩილებულ ერთა სხვა და სხვა კლასები?

მეცნიერებაში და პუბლიცისტიკაში არსებობს ერთი გავრცელებული აზრი, რომ ბურჟუაზიის ბატონობის ხანაში დაჩაგრულ ერის ბურჟუაზია მისწრაფვის ეროვნულ-პოლიტიკურ დამოუკიდებლობისადმი, რომლის საშუალებით იგი შესძლებს ერთ განცალკევებულ ტერიტორიაზე ეკონომიურათ და პოლიტიკურათ გაბატონდეს. რაც შეეხება ფართო დემოკრატიულ მასას და მასთან ერთათ პროლეტარიატს,—ამათ ეინტერესებათ, უბირველეს ყოვლისა, ეროვნულ-კულტურული კითხვები. პროლეტარიატი უფრო ადვილათ აწარმოებს თავის ბრძოლას ეროვნულ-კულტურის ნიადაგზე, სამშობლო ენის საშუალებით. ეროვნული, გასაგები ენა შეკოლაში, სასამართლოში, ფოსტაში, მილიციაში და სხვა დაწესებულებებში,—აი უმთავრესი მოთხოვნილება მშრომელი მასისა ეროვნულ საკითხში*).

ამიტომ შეაძენიეთ დემოკრატის ისეთი ეროვნული ორგანო, (ძალა-უფლებით აღჭურვილი, რა თქმა უნდა), რომელიც გაუძღვება ეროვნულ-კულტურულ საქმეებს, რას მკაცრილი იქნება. წარმოვიდგინოთ ერთი წაშით, რომ მართლაც ეს აზრი სრულიად სამართლიანი და უნაკლებლოა. იბადება ერთი კითხვა.

უზრუნველყოფილი იქნება ეროვნული კულტურა და მისი თავისუფალი განვითარება, თუ მას დარაჯათ არ

*) სამშობლო ენის—სახელმწიფო ენათ აღიარება—ეს არის დემოკრატის უმთავრესი მოთხოვნილება, მაგრამ არა ერთათ ერთი.

ეყოლება ერთგვარი სახელმწიფოებრივი ორგანო, რომელსაც გადაცემული ექნება უფლებები არა მარტო კულტურული, არამედ პოლიტიკურ საქმეებშიაც? ჩვენ გადაჭრით ვიტყვი, რომ არა! თუ ნაციათა სახელმწიფოში (როგორც არის მავალითათ, რუსეთი, ავსტრია-უნგრეთი) პოლიტიკურ სფეროში გაბატონებული იქნება ერთი ერი, ჩვენ ადვილათ წარმოვიდგენთ, რომ სხვა ერთა თავისუფალი განვითარება არ იქნება სრულიად უზრუნველყოფილი.

მაგრამ, გარდა ამისა, ჩვენ ვფიქრობთ, რომ დემოკრატია დაინტერესებულია ეროვნულ-პოლიტიკურ უფლებათა მოპოვებაში. მისთვის უდიდეს საჭიროებას შეადგენს ისეთი უფლების შექმნა, რომლის ძალით ის ადვილობრივ ეკონომიურ და პოლიტიკურ კითხვებს თავის სურვილზე გადასჭრის. ამიტომ დემოკრატია მიიღებს ეროვნულ-ტერიტორიალურ და პოლიტიკურ ორგანიზაციისადმი, რომელიც აღჭურვილი იქნება სახელმწიფოებრივი უფლებებით განსაზღვრულ სფეროში. თავის უკანასკნელ შრომაში მარქსიზმის უდიდესი მოციქული კ. კაუტცი სწორეთ ასეთ აზრს გამოსთქვამს: „მისწრაფება ეროვნულ სახელმწიფოსადმი წარმოიშვა ერთ და იმავე დროს თანამედროვე სახელმწიფო დემოკრატიისადმი მისწრაფებასთან და მასთან მჭიდროთ არის დაკავშირებული.“

არ არსებობს იმაზე შემდგარი შეხედულება, რომ გადააქციეთ ავსტრო-უნგრეთი დემოკრატიულ ქვეყნათ და იგი ისევე ცხოველყოფილი იქნება. ავსტრიის გამოცოცხლებისათვის მიმართულ ნამდვილ დემოკრატიულ ზომებს შეადგენს მისი გარდაქმნა ერთ სახელმწიფოდგან ეროვნულ-სახელმწიფოთა კავშირათ.“. „თეთოთუფლ ასეთ ეროვნულ სახელმწიფოში შესაძლებელია სრული, არა მარტო ფორმალური, არამედ რეალური ბატონობა დემოკრატიისა“. პროლეტარიატი და მისი ხელმძღვანელი სოციალ-დემოკრატია, რასაკვირველია, მხარს უჭერს დემოკრატიას, ვინაიდან მხოლოდ უკანასკნელის საშუალებით შეიძლება გზის გაკაფვა სოციალიზმისაკენ. რაც შეეხება თანამედროვე ბურჟუაზიას—მის ოცნებას შეადგენს არა ნაციონალური, არამედ იმპერიალისტური სახელმწიფო.

ეს არის უკანასკნელი სიტყვა ჩვენი მოძღვრებისა, ჩვენი მეცნიერებისა. მაგრამ სიტყვის საქმეთ გადაქცევა ადვილი არ არის! ამისათვის საჭიროა სათანადო რეალური პირობები. ამიტომ ჩვენი სიტყვა ყოველ ქვეყანაში ერთფეროვნათ და ერთგვარათ, რა თქმა უნდა, ვერ განხორციელდება.

მ. ხუნდაძე.

საღლისო კითხვები.

აზრები და შენიშვნები.

1. ცოტა რამ პრინციპსა და ტაქტიკის შესახებ; ს.-დ ცენტრის მომავალი; ბალშევიზმი ძველათ და ახლად.

მარქსიზმი ორი მხარეა: ერთი—თეორია, თვით მეცნიერება, პრინციპი; მეორე — მისი ცხოვრებასთან შეფარდება, მისი პრაქტიკულათ ცხოვრებაში გატარება—მარქსისტული ტიქტიკა. ორივე ერთათ პრინციპი და მოქმედება—ალფა და ომეგაა მარქსისტული მოღვაწეობის. მარქსიზმის თეორია არ იძლევა გადაჭრილ პასუხს ამა თუ იმ ტაქტიკურ საკითხებზე. იგი მხოლოდ მეთოდია ამ კითხვების გადასაჭრელათ. და ვინც მარჯვეთ და სისწორით ხმარობს ამ მჭერელ მეთოდს—გამარჯვებაც მისკენაა. დღეს დღეობით რუსეთში მარქსიზმის სახელით არსებითათ ორი ტაქტიკა იბრძვის: ხშირად ორივე ამა თუ იმ უკიდურესობაში ვარდება. მაგრამ ის ტაქტიკა, რომელიც უმეტეს უკიდურესობაში გადადის, ამით სცილდება მარქსიზმის საზღვარსაც და უკვე პრინციპიალურათ ნსხვავდება მისგან. ერთი დღესავით ნათელია ამჟამათ: რამდენათც დღევანდელი ბალშევიზმი გარეგნულათ გამარჯვებულია რუსეთში, იმდენად მისი შინაგანი უძლეობა იჩენს თავს და უშუალებს მას სრულ იდეურს სიკოტრეს და რამდენადც დღევანდელი მენშევიზმი დამარცხებულია, იმდენადვე მასში მოსჩანს შინაგანი პოტენციალური ძალა, რომელიც წმინდა მარქსისტულ გეზს იღებს და მიდის ზრდისაკენ. შეიძლება ზოგს ეს ჩვენი მოსაზრება პარადოქსათ ეჩვენოს, მაგრამ რამდენათ საფუძვლიანია ეს პარადოქსი, ამას ახლო მომავალი დაგვანახებებს. სულ მოკლე ხანში, ამა თუ იმ ხასიათის დროებითი პირობების შეცვლისთანავე, ეკონომიური განვითარების აუცილებლობით და ერთიანი ქეშმარიტ პროლეტარული მოძრაობის ზეგავლენით, გაიმარჯვებს და გაძლიერდება მარქსიზმი, მენშევიზმისა და ბალშევიზმის საღი ფრთათაგან გამოიმდინარე, იდეურათ ქეშმარიტად ორტოდოქსალური.***) ასეთია პერსპექტივები***) მარქსისტული ცენტრის შექმნისა და ამის თავდება მარტოვის ჯგუფის საღი ზრდა სოციალ-დემოკრატიაში. დღევანდელ პირობებში კი

**) ორტოდოქსალური—ქეშმარიტი.

***) პერსპექტივა—მომავლის სურათი.

ასე თუ ისე გამარჯვებულია „ბალშევიზმი“, რომელსაც, ჩვენის აზრით, ცოცხა და აქვს საერთო ძველ ბალშევიზმთან. ამ მიმდინარეობის ლიდერებს, არა ვგვონია, ნამდვილათ ჰქონდეთ ძვალსა და რბილში გამჯდარი და გულწრფელათ სწამდეთ ის, რასაც ასე უცერემონიოთ ჰქადაგებენ: დღეს რუსეთში ძირეულათ შეცვლა საზოგადოებრივ წარმოებისა, ეკონომიურის მხრივ ნახევრათ ფეოდალურ-კაპიტალისტური, დარღვეულ-ჩამორჩენილი მეურნეობის მქონე ორგანიზაციის პირდაპირ სოციალისტურ ორგანიზაციაში გადასვლა. აქ ერთის კალმის მოსმით უარყოფილია მარქსიზმის მეცნიერება, ობიექტიური და სუბიექტიური პირობები, დიალექტიკა ისტორიული მატერიალიზმისა და აშკარათ გამოსკვივის სახე ვულგარული გაწყალებული რევოლიუციონიზმის და მეშხანური სოციალიზმის. დღეს იმ მასის უმრავლესობას, რომელიც კი მისდევს „ბალშევიზმს“ ამა თუ იმ მიზნით, სწორეთ ასე ვულგარულათ ესმის სოციალიზმის რაობა და მისი განხორციელება მეურნეობაში. რაც შეეხება ლიდერებს, იგინი მხოლოდ „ბედს სცდიან“, როგორც იტყვიან ამ შემთხვევაში. აი სწორედ აქ ტარდება ცხოვრებაში მარქსიზმის მიერ საუცხოვოთ დამარცხებული „გმირისა და მასის“ თეორია—ეს ბოლშევიზმის თანდაყოლილი სენი და მისი დამახასიათებელი თვისება ტაქტიკაში, თავისთავათ უადრესათ ანტიმარქსისტული შეხედულობა. ამიტომ მართალია მ. გორკი, როცა აშკარად და პირდაპირ აღიარებს: „დღეს ბალშევიზმის ლიდერები ისეთივე შეხედულობის არიან მუშათა კლასზე, როგორი შეხედულობისაა კლასობში ასაშენებელ მასალის შესახებ. ისინი ახდენენ ცდას: ეგები რამე გამოვიდეს, ავაშენოთ შენობაო. ამ საშინელი ექსპერიმენტების საშინელ შედეგებზე კი ისინი არ სთვლიან თავს მოვალეთ აგონ რაიმე პასუხი“-ო. მაშასადამე, იმ ტაქტიკურ ხაზში, რომელზედაც მოქმედობს „ბალშევიზმი“, რევოლიუციონური და პოლიტიკური ავანტიურისში უფრო სწარბობს, ვიდრე ქეშმარიტი ალღოიანი რევოლიუციონიზმი. ამ ძირეულ გარდაქმნის აუცილებლობაზე ბჭობს და ოცნებობს დღეს ტროცკი და დარწმუნებული რა იმაში, რომ შეიარაღებული ჯარი, ვლენობა და პროლეტარიატი მიჰყვება მას ბოლომდე, კიდევ სდგამს „პრაქტიკულ ნაბიჯებს“ და ამით ობიექტიურათ მხოლოდ უდიდესი ზიანი მოაქვს სო-

ციალიზმისა და პროლეტარიატის მოძრაობისთვის. ეს გარემოება აშკარათ და ღიათ უნდა აღინიშნოს, ვინაიდან „მოყვარეს უძრახვენ პირში მტერს—პირს უკან“. მაგრამ იგივე ტროცკი 1905 წელში, არსებითათ იმავე ხასიათის რევოლიუციის შესახებ, როგორიც ამჟამათ ჩვენ თვალწინ სწარმოებს, უფრო წრფელი შეხედულების იყო, უფრო თავდაჭერილათ და სერიოზულათ უყურებდა რთულ პოლიტიკურ კონიუნქტურას***) და ისე ვულგარულათ ზეპასუხისმგებლოთ, როგორც ახლა იქცევა მასის გულის მოსაგებათ, არ მსჯელობდა. (საილიუსტრაციოთ გაიხსენეთ მისი უკანასკნელი სიტყვები, მიმართული გრენადერ ჯარისკაცებისადმი: „გეფიცებით, რომ ქვეყანას გადავატყვევთ აყვავებულ ბაღათ“), ჩემ წინ დევს ტროცკის მოზღლი წიგნი „ჩვენი რევოლიუცია“, დაწერილი ამ ათი წლის წინათ. აქ ავტორი ანალიზს უკეთებს რუსეთის 1905 წლის რევოლიუციის ეკონომიურ, პოლიტიკურ და სოციალურ ვითარებას, ამტკიცებს სოციალიზმის დამყარების შესაძლებლობას და მიდის იმ დასკვნამდე, რომელზედაც ახლა სდგას. მაგრამ ამ წიგნში ილუტის ოდენად არ სჩანს დემაგოგია, რომელსაც ახლა ასე მძლავრათ აქვს ფრთა გაშლილი. აქ ტროცკის უმთავრესათ და უპირველეს ყოვლისა სიმძიმის ცენტრი გადააქვს დასავლეთ ევროპაში და აშკარებს რა მთელ თავის იმედებს მაზე, აშენებს თავის თეორიას. ტროცკი პროლეტარიატის მიერ ძალა-უფლებდის ხელში ჩაგდების შესახებ რუსეთში, სხვათა შორის შემდეგს სწერს: „რუსეთის ბურჟუაზიული (და არა სოციალისტური, როგორც ახლა ამტკიცებენ. არ.—მ.) რევოლიუციის დროებითი კონიუნქტურის წყალობათ, ჩვენმა პროლეტარიატმა რომ ჩაიგდოს ძალა-უფლება ხელში, მის წინა აღმდეგ უპირველესათ ყოვლისა აღიპართება მსოფლიო რეაქცია მთელი თავისი სიძლიერით. და ყრდნობილი მართო თავის ძალებზე, რუსეთის მუშათა კლასი აუცილებლივ დამარცხდება კონტრრევოლიისაგან სწორედ იმ დროს, როცა რევოლიუციონური გლენობა ჩამოშორდება მას“ (კურსივი ჩვენია). ამიტომ ტროცკის აზრით ერთათ ერთი ხსნა ევროპის პროლეტარიატის ამოძრავებაშია. იმან უნდა დაიწყოს სოციალისტური რევო-

****) კონიუნქტურა—მდგომარეობის სახე, საერთო მოხაზულობა.

ლიუცია და რუსეთიც გაჰყვება მას. წინააღმდეგი წარმოუდგენელი იყო. დღეს კი ჩამორჩენილი და ჯანგამოლეული რუსეთი იწყებს, ტროცკის და სხვათა თეორიით, სოციალისტურ რევოლუციას და ევროპაც ბანს აძლევს. ამ წიგნში ტროცკი განაგრძობს: „პროლეტარულ მთავრობას რუსეთში არავითარი საშუალება არ ექნება განამტკიცოს თავისი ძალა-უფლება, თუ არ ეცდება გააფართოვოს ამ მთავრობის სოციალური ბაზისი დემოკრატიული კლასების მეშვეობით“-ო. მაშასადამე, აქ აღიარებულია საქართველო დემოკრატიულ და სოციალისტურ კლასთა და პარტიათა კოალიციის. დღეს კი, ამავე ტროცკის და მის ამხანაგთა წყალობით, რევოლუციის სამუხანათოთ გაბატონებული არსებითათ ერთი პარტია, ისიც არა მთლიანათ და ხიშტის ძალით, რომელსაც განუხორციელებელი და უნაიადგო მიზნები აქვს დასახული; ასეთი ტაქტიკა, როგორც ბლანკისმის ტაქტიკა და, მაშასადამე, უტოპიურიც, რუსეთის დღევანდელი ეკონომიური და ინტელექტუალურ სინამდვილეში, არამც თუ სოციალიზმს ვერ დაამყარებს, თვით დემოკრატიზმის იდეასაც სახელს გაუტეხს და მხოლოდ უკან დასწევს. ახლანდელი „ბალშევიზმის“ ეს ტაქტიკა არის არსებითათ არა მეცნიერული და ანტიმარქსისტული და, მაშასადამე, მისგან ფაქტიურადაც პრინციპიალურათ გამიჯნული.

არ—მ.

კოოპერაცია და ქართველი ს.-ფედერალისტები.

I კოოპერაცია და მისი ფორმები.

კოოპერატიულ მოძრაობის განვითარებამ დიდი შესხლ-შემოხლა გამოიწვია ქართულ პრესაში. ფედერალისტებმა იგი ჩასთვალეს, როგორც ეს მოსალოდნელიც იყო, დიდ ეკონომიურ და სოციალურ ძალათ, რომელმაც ჩვენ სოფელს უნდა ააცდინოს კაპიტალიზმი, დასელებმა კი იგი აღიარეს პალიატიურ ზომათ, რომელმაც დროებით უნდა დააყუჩოს დემოკრატიის ყოველდღიური ტკივილები. გაჩაღდა ომი, რომელიც დღესაც არ დამთავრებულია. ყოველივე მოვლენას მხოლოდ მაშინ შეუძლიან მოუტანოს საზოგადოებას რაიმე ღირს-

შესანიშნავი სარგებლობა, თუ იგი სწორად და მიუდგომლათ იქნა შეფასებული. კოოპერაციის შეფასებას ფედერალისტთა მხრივ სწორეთ ეს მიუდგომლობა, ობიექტიობა აკლია: ფედერალისტებმა კოოპერაციას დააკისრეს არა ის როლი, რომელიც მას შეუძლიან შეასრულოს, არამედ ის, რაც თვითონ სურთ და სასარგებლოთ მიაჩნიათ. ამ რიგათ მათ აქაც, როგორც საზოგადოთ, გაამეფეს სენტიმენტალიზმი და შეტოპეს ეკონომიურ რომანტიზმში. ჩვენი მიზანია ფარდა ახსნათ ამ უკანასკნელს და ობიექტიურათ გავაშუქოთ კოოპერაციის რაობა, მისი სახე-ხასიათი და დანიშნულება.

რა არის კოოპერაცია?

კოოპერაცია არის პიროვნებათა თავისუფალი კავშირი, ყველა წევრთა სრულ და სწორუფლებიანობაზე დაფუძნებული, რომელიც ასრულებს ამა თუ იმ სამეურნეო ობიექტებს წარმოებასა, გაცვლა-გამოცვლასა და კრედიტის სფეროში და რომლის მიზანია ჩარჩ-ვაჭრის, მოვახშის, მექარხნის და სხვ. ყვლეფისაგან განთავისუფლებით გაადიდოს თავის წევრთა შრომის ნაყოფიერება,—შემოსავალი და ამრიგათ გაუადვილოს მათ ბრძოლა არსებობისათვის. აღსანიშნავია ისიც, რომ ამხანაგობათა წმინდა შემოსავალი იყოფა წევრთა შორის პროპორციონალურათ (თანშეზომილათ) მათი შრომისა ე. ი. მის და მიხედვით თუ ვინ რა მონაწილეობა მიიღო ამ საერთო საქმეში.

რა და რა ფორმებში ყალიბდება კოოპერაცია?

ფორმები, რომელშიაც ყალიბდება კოოპერაცია სრულიად დამოკიდებულია ამა თუ იმ საზოგადოების ეკონომიურ მდგომარეობაზე. ე. ი. მაზე, თუ რამდენათ განვითარებულ-გაუმჯობესებულია ამა თუ იმ საზოგადოებაში წარმოების ტექნიკური საშუალებანი და როგორი ძალთა განწყობილება მასში.

თვითეული წარმოების წესი იმ პირთ, რომელნიც მასში იღებენ მონაწილეობას, შეუმუშავებს თავისებურ ეკონომიურ ფსიხიკას, რომელიც წარმოადგენს სუბიექტიურ მხარეს წარმოების ობიექტიურ პროცესისას; ფსიხიკა გამოიხატება იმაში, რ. მეურნეს აქვს თავისებური აზრი და შეხედულება სკუთარ სამეურნეო მოქმედების პირობებზე, ეკონომიურ დამოკიდებულებაზე გარეშე პირებთან, ანუ თავის საკუთარ ეკონომიურ საქართვებ-ინტერესებზე და იმ საშუალებაზე, რომლითაც შეიძლება ამ

ინტერესების დაცვა, კოოპერაცია არის ერთი ფორ-
მათაგანი იმ საშუალებათა, რომლითაც მეურნე
იცავს თავის საკუთარ ეკონომიურ ინტერესებს. აქე-
დან სხვა და სხვაობა ეკონომიური მდგომარეობისა,
ჰქმნის მეურნეთა სხვა და სხვა გვარ ეკონომიურ
ინტერესებს, და იწვევს კოოპერატიულ ფორმების
სხვა და სხვა გვარობას.

ამიტომ თვითეულ ეკონომიურ ფორმაციას
აქვს თავისი საკუთარი ფორმები კოოპერაციისა და
რამდენადაც უფრო რთულია ეკონომიური დამოკი-
დებულებანი ამა თუ იმ ფორმაციისა, იმდენათ
რთული და მრავალფეროვანია მისი კოოპერატიუ-
ლი ფორმები.

ყველა ამას ნათლათ ამტკიცებს ისტორია კო-
ოპერაციის წარმოშობისა.

შევვხვით მას გაკვრით.

ეკონომიურ განვითარების ისეთ დაბალ საფე-
ხურზე, როცა ყოველივე ოჯახი თავისივე ნაწარ-
მოებით იკმაყოფილებდა თავის მოთხოვნილებას,
კოოპერაციას ჩვენ ვერ ვხვდებით.

შემდეგ როცა მოთხოვნილებათა გაფართოება
იძულებულს ხდის ოჯახს ნაწილი მოსახმარ და სა-
წარმოო საგნებისა სხვებისაგან შეიძინოს და ნაწი-
ლიც თვითონ გასცეს, იწყება ემიგრაცია საგნებისა
და მუშა ხელისა, რაც ნიადაგს უშუალებს კოოპერა-
ციას. დახელოვნებული მუშები ადგენენ არტელებს,
ჯაღდიან ერთი ადგილიდან მეორეში, ამუშავებენ
წილ მასალას, ეწვეიან სხვა და სხვა მრეწველობას
და სხვა. ასეთებია მაგ. არტელეზი: მატყლის მწიჩ-
ვებისა, ბამბის გამჩხირხებელ-მკენტლებისა, ღურგ-
ლების, მიწის მფარცხველების, მონადირეების, მე-
თევზეების და სხვ. ამ საფეხურზევე წარმოიშვენ,
ეგრედ წოდებული, ნედლი მასალის არტელეზი.
ასეთებია მაგ., არტელეზი მეკველეთა, რომლებსაც
ჩვენ ვხვდებით შვეიცარიაში ჯერ კიდევ XIII საუ-
ნეში*).

ხელოვნობას ახალი ფორმები კოოპერაციისა
წარმოუშვია.

მაგრამ შემდეგ, როცა ბაზარი გაფართოვდა
ხელოვნისა და მომხმარებლის შუა გაჩნდა ჩარჩი

და ვაჭარი, წარმოიშვა ახალი ფორმები კოოპერა-
ციისა, სახელდობრ: სამრეწველო, ნედლი მასალის,
საწყობის, წვრილ კრედიტის და სხვ. ბოლოს ამას
ზედ დაერთო მომხმარებელი კოოპერატივი. ესაა
ხანა სავაჭრო კაპიტალისა. სამრეწველო კაპიტალმა
მათ მიუმატა საწარმოო კოოპერატივი—ქარხნის
მუშათა შრომის არტელი, კითხვა დგება: ზემოთ
ჩამოთვლილი ფორმები კოოპერაციისა: სამრეწვე-
ლო, ნედლი მასალის, საწყობის, წვრილ კრედიტის,
მომხმარებელი და სხვა რატომ მიიწვ და მიიწვ
სავაჭრო კაპიტალის ბატონობის დროს წარმოიშვენ
და არა ადრე თუნდ ხელოსნობის დროს?

— წინეთ მათთვის ეკონომიური ნიადაგი არ
იყო მზათ!

ეს ფორმები კოოპერაციისა გულისხმობენ პი-
რად დამოკიდებულებათა შეწყვეტას მწარმოებლის
და მომხმარებლის შუა. ამ ფუნქციას უსათუოთ
სხვა უნდა ასრულებდეს, ავიღოთ მაგ., მომხმარე-
ბელი კოოპერატივი, რომლის მიზანია ებრძოლოს
ჩარჩ-ვაჭრებს და დაიცვას მომხმარებელი მათი ყველ-
ფისაგან.

როგორ შეიძლება ვინმეს მოეფიქრებია მი-
სი დაარსება სავაჭრო კაპიტალის ეპოქის ადრე,
როდესაც ჩარჩ-ვაჭართა სახსენებელიც არ იყო და
მომხმარებელი საქირო საგნებს ყიდულობდა პირ-
დაპირ მწარმოებლისაგან უშუამავლოთ.

დღეს ჩვენ, სამრეწველო კაპიტალის ეპოქის
მცხოვრებთ, გვაქვს რამოდენიმე ფორმები კოოპერა-
ციისა. მათში უმთავრესია: 1) წვრილ კრედიტის
კოოპერაცია. მისი მიზანია მიაწოდოს მეურნეთ
სესხი იაფათ, მინიმუმ სარგებელში (პროცენტი) და
ამ რიგათ იხსნას იგი მოვანშის კლანჭებისაგან.

2) მომხმარებელი კოოპერატივი, რომლის
უმთავრესი მიზანია მიაწოდოს თავის წევრებს სა-
ქონელი საუკეთესო ხარისხისა და რამდენადაც შეი-
ძლება იაფათ. ამ მიზნით იგი იძენს საქონელს პირ-
დაპირ კაპიტალისტ-მეკარხნისაგან და აწვდის მომ-
ხმარებელთ. აქ ის კონკურენციას უწევს ჩარჩ-ვაჭ-
რებს. ვინაიდან პირდაპირ ძაფს აბამს მწარმოებელ-
სა (მეკარხნე) და მომხმარებელს შუა.

3) მესამე უმთავრეს ფორმას კოოპერაციისას
ეკუთვნის ეგრედ წოდებული საწარმოო კოოპერა-
ტივი, რომლის მიზანია მოაწყოს კოოპერატიულ
ნიადაგზე მსხვილი ქარხნული წარმოება, გაუწიოს
კონკურენცია კაპიტალისტს, დაამარცხოს იგი და

* ვ. ფ. ტოტომიანცის მოწმობით ასეთი არ-
ტელეზი დღესაც ბევრია კიევსიაში, ერვენის გუბ.
არტელის მთის ძირის მცხოვრებთა შორის. იხ.
"жизнь потребителей" 1905 წ., № 4, გვ. 12.

ა მ ხ ა ნ ა მ მ ბ რ !

დაეხმარეთ თქვენს ჟურნალს, როგორც მოწადიურათ, ისე მატერიალურათ.

ჩამოართვას მას ორგანიზატორის როლი წარმოებაში.

სხვა ფორმების დახასიათებას ჩვენ არ გამოუდგვბით, ვინაიდან ისინი დღეს მეორეხარისხოვან როლს თამაშობენ და ჩვენთვის იმდენი მნიშვნელობა არა აქვთ.

ს. მიხეილიძე.

„ახალი კვალის“ ამხანაგებს.

გილოცავ ახალ წელიწადს,
ძმებო, ჩაგრულთა შეილებო,
ცხოვრების სიღუბეში
ნაწრთობნო, გამოზრდილებო;
„ახალი კვალის“ გარშემო
ბრძოლისთვის თავ-მოყრილებო;
მშრომელთა სამეფოსათვის
ყველა უტკბესზე ტკბილებო...
გისურვებ, მოგმატებოდენ
სხვაც ბევრი თქვენი ტოლები,
რომ შეჰქმნათ ძლიერი ჯაჭვი,
შეიქმნეთ მისი როლები.
და ყველა ერთათ, თანხმობით
ურთიერთისა ყოლაში
დაესწროთ მრავალ ტკბილ დღეებს
მომავლისათვის ბრძოლაში.

ჯიბილა.

კონფერენცია ახალგაზრდა მარქსისტთა ორგანიზაციებისა.

იანვრის 17 სათვის თფილისის კომიტეტი ახ. მარქს. ორგანიზაციისა იწვევს კონფერენციას ყველა ახალგაზრდა (თუ მოწაფეთა, როგორც აქამდის მარქსისტთა ორგანიზაციებისას, ნორმა ასეთია: 50 წევრი გზავნის ერთს დელეგატს; ორგანიზაციები, რომელშიაც 50 წევრზე ნაკლები არის—შინც გზავნის ერთს დელეგატს (შენიშვნა: თუ საერთო რიცხვს 20 წევრზე მეტი გადარჩა, ემდევა უფლება კიდევ ერთი დელეგატის გამოგზავნისა).

დელეგატები აღჭურვილნი უნდა იყვნენ სათანადო მანდატებით და დირექტივებით.

დღის წესრიგი: 1. მოხსენებები ადგილებიდან; 2. მიმდინარე მომენტი; 3. ორგანიზაცია: ა) ახალგაზრდა მარქსისტთა თუ მოწაფეთა ორგანიზაცია? ბ) ფრაქციული თუ გაერთიანებული ორგანიზაცია? 4. წესდება; 5. მეცადინეობის გეგმა; 6. ცენტრალური ორგანო; 7. ფინანსები; 8. არჩევნები.

კონფერენცია გაიხსნება საღ. 5 საათ. დელეგატებმა ყოველგვარ ცნობებისათვის უნდა მიმართოს გოლოვინის პრ. № 12 („ახალი კვალი“-ს რედაქციაში) დღის 11—2 საათ. და საღ. 6—8 საათ. მოტივ წევრს თფ. ორგან. კომიტეტისას.

თფილისის ორგანიზაციის კომიტეტი.

ყოველკვირეულ სამეცნიერო, საპოლიტიკო და სალიტერატურო ჟურნალ

„ახალ კვალ“-ზე

წლიურათ ხელის მოწერა არ სწარმოებს. პროვინციელ ამხანაგებს ვთხოვთ ჟურნალი შეიძინონ ადგილობრივ ახალგ. მარქს. ორგანიზაციებში; თუ ასეთი არ არსებობს, შეუძლიათ გამოიწვიონ რამდენიმე ნომრებით.

რედაქცია „ახალი კვალი“-სა მოთავსებულია გოლოვინის პრ. № 12. (ერთობის რედაქციის გვერდით) და გაღებულა ყოველდღე საღამოს 5—8 ს., კვირა-უქმე დღეს დღის 11—2 ს. აქვე შეიძლება ჟურნალის შექენა.

ჩვენი უმსტა:

1. პროვინციელ ორგანიზაციებს! ვთხოვთ საჩქაროთ მოგვაწოდოთ ცნონები, რამდენი ჟურნალი არი საჭირო და სად; ვთხოვთ აგრეთვე ჟურნალის ფულგაერცელების შემდეგ რაც შეიძლება ჩქარა გამოგზავნოთ რათა გამოცემის საქმე არ შეფერდეს.

2. ჩვენს თანამშრომლებს! მოგვაწოდეთ მასალა—სუფთათ და ცალ გვერდზე, დაწერილი. მოგვაწოდეთ მოკლე კორესპონდენციები პროვინციელ ორგანიზაციების ცხოვრებიდან.

ჩვენი მისამართი: Тифлисть, Головинский проспект № 12, редакция „АХАЛИ КВАЛИ“. Тел. № 16—62.

აქვე მოთავსებულია ბიურო ახალგ. მარქსისტთფილისის ორგანიზაციისა; ღიაა იმავ საათებში; მობა წევრებათ ჩაწერა.

რედაქტორ-გამომცემელი:

სარედაქციო კოლეგია

სტამბა ბართლომე კილაძისა, ველიამინოვის ქუჩა,

598433
1918